


詩

居處

郊祀

文苑英華

三百十一至三百二十



文苑英華卷第三百十一

詩一百六十一

居處一

上陽宮二首

九成宮二首

華清宮十一首

宮十七首

苑三首

殿六首

樓十首

上陽宮

上陽宮

王建

上陽花木不曾秋
洛水穿宮處處流
盡閣紅樓宮女笑
玉簫金管路人愁
幔城入澗橙花發
玉輦登山桂葉稠
曾讀列僊王母傳
九天未勝此中遊

同前

羅鄴

春半上陽花滿樓
太平天子昔巡遊
千門雖列嵩山在
一

笑還隨洛水流深鎖笙歌巢燕聽遙瞻金碧路人愁翠華
却返昇僊去長使宮娥望不休

九成宮

夏晚九成宮呈同寮

李嶠

磻館分襄野平臺架射峯英藩信煇擘勝地本從容林引
梧庭鳳泉歸竹沼龍小恒共處長坂屬相從野席蘭琴
奏山臺桂酒醲一枰移晝景六著晝宵疑作晝宵鍾枚藻清詞
律鄒譚曜辯鋒結歡良有裕聯案愧無庸蹙悅丘中賞還
希物外蹤風煙遠近至魚鳥去來逢月澗橫千丈雲崖列
萬重樹紅山果熟岸綠水苔濃願以西園柳長間北巖松

九成宮

杜甫

蒼山入百里崖斷如杵臼曾宮憑風迴岌業土囊口立神
扶棟梁鑿翠開戶牖其陽產靈芝其陰宿牛斗紛披長松
倒揭嶒恠石走哀猿啼一聲客淚迸林藪荒哉隋家帝製
此今頽朽向使國不亡焉爲巨唐有雖無新增修尚置官
居守巡非瑤水遠跡是雕墻後我行集作來屬特危仰望嗟
嘆久天王守一作符太白駐馬更搔首

華清宮

早秋望華清宮中樹以成詠

集作因以成詠盧綸

可憐雲木叢蒲禁碧濛濛色潤虛泉近陰清輦路通玉壇
標八桂金井識雙桐交映疑寒露相和起夜風數枝盤石
上幾葉落雲中驚拂宜秋霽蟬鳴覺晝空翠屏更隱見珠
綴共玲瓏雷雨生成早樵蘇禁令雄野藤高助綠僊果迴
呈紅惆悵繚垣暮茲山聞暗蛩

虛泉集作靈泉

華清宮感舊

王建

塵到朝元天

一作火照中原邊

使急千官夜發六龍迴輦前月照

羅衣一作衫淚宮裏一作馬上風吹蠟燭灰公主粧樓金鎖蒞貴妃湯殿玉蓮開有時雲外聞天樂一作集作知是一作應先皇沐浴來

華清宮三十韻

杜牧

繡嶺明珠殿層巒下繚牆仰窺雕一作丹檻影猶想赭袍光昔帝登封後中原自古強一千年際會三萬里農桑几席延堯舜軒墀立集作接禹湯雷霆驅號令星斗煥文章鈞築乘時用芝蘭在處芳北扉開木索南面富循良至道思玄圃平居厭未央鈎陳裏巖谷文陛壓青蒼歌吹千秋節樓臺八月涼神仙高縹緲環珮碎丁當泉暖涵窓鏡雲嬌惹粉囊嫩嵐滋翠葆清渭照紅粧帖秦生靈壽歡娛歲序長月聞仙曲調霓作舞衣裳雨露偏金穴乾坤入醉鄉玩兵師漢武迴首倒干將鯨鬣掀東海胡牙揭上陽喧呼馬嵬

血零落羽林槍傾國留無路還冤怨有香蜀峯橫慘澹秦樹遠微茫鼎重山難轉天扶業更昌望賢餘故老花萼舊池塘往事人誰問幽襟淚獨傷碧簷斜送日殷葉半彫霜迸水傾瑤砌踈風鏗玉房塵埃羯鼓索片段荔枝筐鳥啄摧寒木蝸涎蠹盡梁孤煙知客恨遙起秦陵傍

同前

許渾

樓閣參差倚太陽年年花發蒲山香重門閑鎖青春晚深院垂簾白日長草色芊綿侵御路泉聲嗚咽遠宮墻先皇一去無回駕紅粉翠鬟空斷腸

望華清宮感事

前人

聞說先皇看集作醉碧桃日華搖動集作浮鬱金袍風隨玉輦笙歌迴雲卷珠簾劍珮高雙鳳集作鳳北歸山寂寂六龍西去集作西水滔涵蛾眉沒後巡遊少瓦落宮牆見野蒿

華清宮二首

李商隱

華清恩幸古無倫，猶恐蛾眉不勝人。未免被他褒女笑，只教天子暫蒙塵。

二

朝元閣迥羽衣新，首按昭陽第一人。當日不來高處舞，可能天下有胡塵。

過華清宮二十二韻

溫庭筠

憶昔開元日，承平事勝遊。貴妃專寵幸，天子富春秋。月白霓裳殿，風乾羯鼓樓。闕雞花蔽膝，騎馬玉搔頭。繡轂千門效，金鞍萬戶侯。薄雲欺集作歌雀扇，輕雪犯貂裘。過客聞韶

獲，居人識冕旒。氣和春不覺，煙暖霽難收。溢浪和瓊甃，集作理甃晴陽上綵遊。卷衣輕鬢懶，窺鏡淡蛾羞。屏掩芙蓉帳，簾褰瑤瑁鈎。重瞳分渭曲，纖手指神州。御案迷萱草，天

袍妬石榴深。巖藏浴鳳鮮，隰媚潛虬不。料耶鄴，虱俄成即墨。牛劍鋒揮太皞旗，焰拂蚩尤內。嬖陪行在孤，臣預坐籌瑤。簪遺翡翠霜，仗駐驂。駟艷笑雙飛，斷香魂一哭。休早梅悲蜀道，高樹隔昭丘。朱閣重霄近，蒼崖萬古愁。至今湯殿水，鳴咽悵作悵縣前流。

華清宮和杜舍人

張祜

五十年天子，離宮仰峻集作舊粉墻。登封時正泰，御宇日何集作初

長。上位先名實，中興事憲章。起集作舉戎輕甲冑，餘地復集作取

河。湟道帝立元，祖儒封孔子。王因緣百司，署藜會一人。湯

渭水波搖綠，秦郊集作山草半黃。馬馴金勒細，鷹健玉鈴鏘。

集作馬頭開夜下箭朱弓滿，鳴鞭皓腕攘。畋思獲呂望，諫

祗避周昌免。跡貪前逐梟，心不早防幾。添鸚鵡，勸先集作頻

賜荔枝。嘗月鎖千門，靜天吹集作高一笛涼。細音搖羽集作翠

珮輕步宛霓裳

集作基

潜結昇平意遠志衣冠逃犬

虜鼙鼓動漁陽外戚心殊迫中途事可量血集作埋妃子

豔集作貌刃斷祿兒腸近侍煙塵隔前蹤輦路荒益知迷寵

伎遺集作恨喪賢集作良北闕尊明主南宮遜上皇禁清

餘鳳吹池冷睡集作龍光祝壽山猶在流年水共傷杜鵑

魂厭蜀蝴蝶夢悲莊雀卵遺雕拱蟲絲胃盡梁紫苔侵壁

潤紅樹閉門芳守吏齊駕瓦耕民得翠璫登年昔酺樂集作

蕪康昔講武舊兵場募鳥深巖翠集作幽花墜逕香不堪

垂白叟行折御溝揚

華清宮二首

前人

風樹離離月稍明九天龍氣在華清宮門晝集作鎖無人

覺半夜雲中羯鼓聲

二

天閣詩選作閣沉沉夜未央碧雲仙曲下集作霓裳一聲

玉笛向空盡月蒲山中集作驪山宮漏長

宮

贈許左丞從駕萬年宮

盧照隣

聞道上之回詔蹕下蓬萊中樞移北斗左轄去南臺黃山

聞鳳吹清蹕侍龍媒曳日朱旗卷叅雲金障開朝叅五城

柳夕宴栢梁杯漢時荒一作如月秦祠聽似雷寂寂芸香

署離思獨悠哉

王華宮

杜甫

溪回松風長蒼鼠竄古瓦不知何王殿遺構絕壁下陰房

鬼火青壤道哀湍渴萬籟真竽瑟集作秋光極集作正

美人爲黃土况乃粉黛假當時侍金輿故物獨石馬憂來

籍草坐浩歌淚盈把冉冉征途間誰是長年者

南原望漢家宮

司空曙

荒原空有漢宮名
衰草茫茫雉堞平
連鴈下時秋水在
行人過盡暮煙生
西陵歌吹何年絕
南陌登臨此日情
故事悠悠不可問
寒禽野水自縱橫

隋宮

鮑溶

御街行客路集作多行客悲
春風野老幾代人
種田場帝宮零落池
臺勢高低禾黍中

吳宮

殷堯藩

吳王愛歌舞
夜夜醉嬋娟
見日吹紅燭
和塵掃翠鈿
徒令句踐霸
不信子胥賢
莫問長洲草
荒涼無限年

古行宮

章孝標

瓦煙踈冷古行宮
寂寞朱門反鎖空
殘粉水銀流砌下
墮環秋月落泥中
鶯傳舊語嬌春日
花學嚴粧妬曉風
天子

時清不巡幸
祗應鸞鳳集梧桐

溫泉宮

王建

十月一日天子來
青繩御路無塵埃
宮前內裏湯各別
每箇白玉芙蓉開
朝元閣向山上起
城繞青山龍煖水
夜開金殿看星河
宮女知更明月集作月裏
武皇得仙王母去
山鷄晝鳴宮中樹
溫泉泱泱出宮流
宮使年年修玉樓
禁兵除集作去盡無射獵日
西麋鹿登城頭
梨園弟子偷曲譜
頭白人間教歌舞

古集作行宮

前人

寥落古行宮
宮花寂寞紅
白頭宮女在
閑坐說玄宗
和李司勳過連昌宮
韞愈

夾道踈槐出老根
高甍巨桶壓山原
宮前遺老來相問
今是開元幾葉孫

陳後宮二首

李商隱

茂苑城如畫閨門瓦欲流還依水光殿更起月華樓侵夜
鸞開鏡迎冬雉獻裘從臣皆半醉天子正無愁

二

漢武開新苑龍舟燕幸頻渚蓮叅法駕沙鳥犯鈎陳壽獻
金莖露歌翻玉樹塵夜來江令醉別詔宿臨春

隋宮

前人

紫泉宮殿鎖煙霞欲取蕪城作帝家玉璽不緣歸日角錦
帆應是到天涯于今腐草無螢火終古垂楊有暮鴉地下
若逢陳後主豈宜重問後庭花

楚宮二首

前人

複壁交青瑣重簾掛紫繩如何一柱觀不礙九枝燈扇薄
常窺月釵斜只鏤冰歌成猶未唱秦火入夷陵

二

湘波如淚色溇溇楚厲迷魂逐恨遙楓樹夜猿愁自斷女
蘿山鬼語相邀空歸腐敗猶難復更困腥臊豈易招但使
故鄉三戶在絲絲誰昔懼長蛟

深宮

前人

金殿銷香閉綺櫳玉壺傳點咽銅龍狂飈不惜蘿陰薄清
露偏知挂葉濃斑竹嶺邊無限淚景陽宮裏及時鍾豈知
爲雨爲雲處祇有高唐十二峯

漢宮

前人

通靈夜醮達清晨承露盤睇甲帳春王母西歸方朔集作何處
去更須重見李夫人

蘭昌宮

劉駕

宮蘭非瑤草安得春長在回首春又歸翠葉不能待悲風

生輦路山川寂已晦邊恨在行人行人無盡歲

苑

奉和立春遊苑

盧藏用

仰疑作御

天遊仰疑輦駐城闈上苑遲光晚更新瑤臺半入黃山路玉

檻傍臨玄灞津梅香欲待歌前落蘭氣先過酒上春幸預
栢臺稱獻壽願陪千畝及農辰

同前

沈佺期

東郊暫轉迎春仗上苑初飛行慶五風射蛟冰千片斷氣
衝魚鑰九關開林中覓草才如荔雜詩作殿裏爭花併是
梅歌吹銜恩歸路晚棲鳥半下鳳城來

長洲苑

吳黃武中此地校獵

孫逖

吳王初鼎峙羽獵騁雄才輦道闔門出軍容茂苑來山從
列陣轉江自遠林回劍騎綠汀入旌門隔嶼開合離紛若

電馳逐溢成雷勝地虞人守歸舟漢女陪可憐夷漫處猶
在洞庭隈山靜吟猿父城空應雉媒戎行委喬木馬跡盡
黃埃攬涕問遺老繁華安在哉

殿

預麟趾殿校書和劉儀同

庾信

止戈興禮樂修文盛典謨壁開金石篆河浮雲霧圖芸香
上延閣碑石向鴻都誦書徵博士明經拜大夫璧池寒水
落學市舊槐枯初學記作高譚變白馬雄辯塞飛狐月落
將軍樹風驚御史烏子雲猶初學記汗簡温舒正削蒲連
雲雖有閣終欲想江湖

重陽殿成金石會竟上詩

張正見

周王興露寢漢后式耳泉共知崇壯麗迢遞輿雲連抗殿
䟽龍首峻階一作激天泉東西跨函谷左右矚伊瀍百常

飛觀竦三休，複道懸拱烏。遙造日，擗虬遠架，煙雲棟疑飛。
雨風窻似望，僊玉女臨方鏡。金璫映彩，綠梅梁橫，發蕊
井倒披蓮，榮光開御宿。佳氣屬祈年，霜鴈排空，斷寒花
映日鮮。負宸憑霄極，台司列象，躔登臺誼。大厦御氣，響鉤
天北斗，承三獻南風入。五絃鸞歌，鳩鵲右獸舞，射熊前翔。
鷄仰不違，疑鷺雀徒聯翩。

冬至乾陽殿受朝

隋煬帝

北陸隆一作冬盛，南至晨漏長。端拱朝萬國，守文繼百王。
至德慙日用，治道愧時康。新邑建嵩嶽，雙闕臨洛陽。圭景
正八表，道路均四方。碧空霜華淨，朱庭皎一作日光。纓珮既
濟濟，鐘鼓何鏗鏘。文戟翊高殿，采牕分脩廊。元首之明一
哲股肱資賢一作良，舟楫佇行一作有寄。庶此王化昌。
一作皆初學記

宣政殿退朝晚出左掖

杜甫

天門日射黃金榜，春殿晴薰集作赤羽旗。宮草霏霏集作
承委珮，鑪煙細細駐遊絲。雲近蓬萊常五集作色，雪殘鳩
鵲亦多時。侍臣緩步歸青瑣，退食從容出每遲。

元旦含元殿下立仗丹鳳樓門下宣赦相公稱

賀四字一作二首

揚巨源

天垂台耀掃，撓槍壽獻香山雜詩作祝聖明。丹鳳樓雜詩
前歌九奏金鷄竿，下鼓千聲木冠南。回薰香動文字東方
喜氣生，從此登封資廟略。兩河連海一時清。

二

臨軒啓扇似雲收，率土朝天劇水流。瑞色含春當正殿，香
煙捧日在高樓。三朝氣早迎恩澤，萬歲聲長繞冕旒。請問
漢家功第一，麒麟閣上識鄼侯。

樓

奉和登北顧樓

見一百七十五卷

梁簡文帝

登烽火樓

同前

聳登柳

類聚作聳樓排

樹出却堞帶江清陟峯試遠望鬱鬱盡郊

京萬邑王畿曠三條綺陌平巨原橫地險孤嶼派流生悠

悠歸棹入耿耿去帆驚水煙扶類聚作浮岸起遙禽逐霧征

登玄暢樓

沈約

危峯帶北阜高頂出南岑中有陵風榭迴望川之陰崖險
每增戒湍平互淺深水流本三派臺高乃四臨上有離羣
客各有慕歸心落暉映長浦煥景燭中潯雲生嶺乍黑日
下溪半陰信美非吾土何事不抽簪

登陽雲樓

劉孝綽

吾王

一作土

陽臺上非夢高唐客回首望長安千里懷三益

顧惟慙入楚殊

一作降

私等申白西沮水潦收瑕

一作昭

丘霜

露積龍門不可見空慕陵寒栢

一作皆藝文類聚

和晚日登樓

劉綏

所以登臺榭正重接煙霞長絲觸欄斷歸鳥避窻斜俯巢
窺暝宿臨檻摘高花百雉時方晚九層光尚賒

和侯司空登樓望鄉

陰鏗

懷土臨霞觀思歸想石門瞻雲望鳥道對柳憶家園寒田
淵裏淨野日燒中昏信美今何益傷心自有源

秋日登廣州城南樓

江惣

秋城韻晚笛危榭引淒風遠氣疑埋劍驚禽似避弓海樹
一邊出山雲四面通野火初煙細新月半輪空塞外離羣
客顏鬢早如蓬徒懷建業水復想洛陽宮不及孤飛鴈獨
在上林中

登東陽沈隱侯八詠樓

崔融

旦登西北樓樓峻石墉厚宛生長定 俯壓二江口非階
銜疑鳥衡交疏過牛斗左右會稽鎮出入具區藪越巖森
其前浙江漫其後此地是東陽由來山水鄉隱侯有遺詠落
簡尚餘芳具疑物昔來改斯人今已亡粵余忝藩左東髮事
文場恨不見夫子神期遙相望

登澤州城北樓宴

陳子昂

平生倦遊者觀化久無窮復來登此國臨望與君同坐見
秦兵壘遙聞趙將雄武安軍何在長平事已空且歌玄雲
曲銜酒舞薰風勿使青衿子嗟爾白頭翁

登薊丘樓送賈兵曹入都

前人

東山宿昔意北征非我心孤負平生願感涕下霑襟暮登
薊樓上末望燕山岑遼海方漫漫胡沙飛且深峨眉杳如

夢僊子曷由尋擊劔起嘆息白日忽西沉聞君洛陽使因
子寄南音

文苑英華卷第三百十一

登仕郎胡

柯

鄉貢進士彭

叔夏

校正

文苑英華卷第三百十二

詩百六十二

居處二

樓七十一首

登瀛州南城樓寄遠

沈佺期

層城起麗譙憑覽出重霄茲地多形勝中天宛寂寥四榮
摩鶴鶴百拱厲風飈北盡集作際燕王館東餘秦帝橋晴光
七郡蒲春色兩河遙傲倪非吾土躊躇適遠囂離居欲有
贈春草寄長謹傲倪集作傲倪

江樓夕望

崔湜

試陟江樓望悠悠去國情楚山霞外斷漢水月中平公子
留遺邑夫人有舊城蒼蒼煙霧裏何處是咸京

江樓有懷

前人

子牟懷魏闕元凱滯襄城冠蓋仍爲池臺尚識名山光

晴後綠江色晚來清爲問東流水何時到玉京

春日登樓野望

薛稷

憑軒聊一望春色幾分非野外煙初合樓前花正飛嬌鶯
弄新響斜日散餘暉誰忍孤遊客言念獨依依

登城樓望西山作

張九齡

城樓枕南浦日夕顧西山宛宛鸞鶴處高高煙霧間僊井
今猶在洪崖久不還金編莫集作我授羽駕亦誰攀蒼際
千峯遠雲中一鳥閑縱觀窮水國遊思遍人寰勿復塵埃
事歸來且閉關

登荊州城樓作

前人

天宇何其曠江城坐自拘層樓百餘尺迢遞在酉隅暇日
時登眺荒郊臨故都累累見陳迹寂寂想雄圖古往山川
在今來郡邑殊北疆雖入鄭東距豈防吳幾代傳荆國當

時敵邲

集作

邲上流空有處中土復何虞枕席夷三峽關

梁谿五湖承平無異境守隘莫論夫自罷金門籍來參竹

使符端居向陵

集作

藪微景

集作

在桑榆直似王陵薏非如甯

武愚今茲對南浦乘鴈與雙鳧

秋晚登樓南江入始興郡路

前人

潦收沙衍出霜降天宇晶伏檻一長眺津塗多遠情思來
江山外望盡煙雲生滔滔不自辨役役且何成我來颺衰
鬢孰云飄華纓攪馬苦蹉跎籠禽念遐征歲陰生集作晚
晚日夕集作空屏營物生貴得性身累由近名內顧覺今是
追歎何時平

登郡城南樓作

前人

閑閣幸無事登樓聊求日雲霞千里開洲渚萬形出澹澹
澄江漫飛飛度鳥疾邑人半艦艦津樹多楓橘感別時已

屢憑眺情非一遠懷不我同孤興與誰悉平生本單緒
邂逅承優秩謬忝爲邦寄多慙理人術驚鉛雖自勉倉廩素
非實陳力儻無效謝病從芝朮

登河北城樓

王維

井邑傳崑上客亭雲霧間高城眺落日極浦映蒼山岸火
孤舟宿漁家夕鳥還寂寥天地暮心與廣川闊

和使君五郎西樓望遠思歸

前人

高樓望所思目極情未畢枕上見千里窻中窺萬室悠悠
長路人賸賸遠郊日惆悵極浦外迢遞孤煙出能賦屬上
才思歸同下秩故鄉不可見雲水空如一

登萬歲樓

孟浩然

萬歲樓頭望故鄉獨令鄉思更茫茫天寒鴈度堪垂淚月
落猿啼欲斷腸曲引古堤臨凍浦斜分遠岸近枯楊今朝

偶見同袍友却喜家書寄八行

岳陽樓

已見二百五十卷

前人

與杭州薛司戶登梓亭樓作

前人

水樓一登眺半出青林高

一作

幕英寮敞芳筵下客叨山

藏伯禹穴城壓伍胥濤今日觀溟漲垂綸學鉤鰲

夜登孔伯昭南樓時沈太清朱昂

集作昂

在坐前人

誰家無風月此地有琴樽山水會稽郡詩書孔氏門再來
值秋杪高閣閑無喧華燭罷燃蠟清絃方奏鶻沈生隱侯
胤朱子買臣孫好我意不淺登茲共

集作

話言

泗上馮使君南樓作

祖詠

井邑連淮泗南樓向晚過望灘沙驚起尋岸浴童歌近海
雲偏出兼秋雨更多明晨擬回棹鄉思恨風波

揚子江樓

孫逖

揚子何年邑
雒雒作關江
連二妃渚雲
近八公山驛
道青楓外人
煙綠嶼間晚
來潮正蒲數
處落帆還

登岳陽樓望洞庭

杜甫

昔聞洞庭水
今上岳陽樓
吳楚東南拆
乾坤日夜浮
親朋無一字
老病有孤舟
戎馬關山北
凭軒涕泗流

登兗州城樓

前人

東郡趨庭日
南樓縱目初
浮雲連海岱
平野入青徐
孤嶂秦碑在
荒城魯殿餘
從來多古意
臨眺獨躊躇

題新津北橋樓

得郊字

前人

極望春城上
開蓬近鳥巢
白花簷外朶
青柳檻前梢
池水觀為政
厨煙覺遠庖
西川供醉客
集作客眼唯是集作有此江郊

與夏十二登岳陽樓

李白

樓觀岳陽盡
川迴洞庭開
鴈別秋江去
集作鴈引山銜好

月來雲間逢
下榻天上接
行盃醉後涼
風起吹人舞
袖回

登錦城散花樓

前人

日照錦城頭
朝光散花樓
金窻夾繡戶
珠箔懸瓊鈎
飛梯集作綠綠集作綠雲中極目散我愁
集作憂暮雨向三峽
春江繞雙流

今來一登望如上九天遊

曾中都東樓醉後

前人

昨日東樓醉
集作城飲還應集作歸未倒接離阿誰
扶上馬不省下樓時

自廣平乘醉走馬六十里至邯鄲登城樓覽古

書懷

前人

醉騎白花馬
西走邯鄲城
揚鞭動柳色
寫鞚春風生
入郭登高樓
山川與雲平
雄都半古冢
一作深萬事傷人情
相如章華巔
猛氣折秦嬴
兩虎不可鬪
廉公終負荊
提携

袴中兒杵臼及程嬰立孤獻集作白刃必死耀丹誠平原

三千客譚笑盡雄集作英毛君能頴脫二國且同盟皆為

黃泉土使我涕縱橫磊磊石子岡蕭蕭白楊聲諸賢集作

沒此地碑版有殘銘太古共今時由來同集作衰榮傷哉

何足道感激仰虛集作名趙俗愛長劍文儒少逢迎聞從

博徒集作遊帳飲雪中集作醒歌酣易水動鼓振叢臺傾

日落把燭歸陵晨向燕京方陳五餌用一使胡塵清

夕霽杜陵登樓寄常繇 前人

浮霽集作滅陽集作景萬物生秋容登樓送遠目伏檻觀

羣峯原野曠超緬關河紛錯重清暉映水竹翠色明雲松

蹈海寄遐想還山迷舊蹤徒然迫秋集作暮未果諧心膏

採菊竟誰舉集作遊蘭集作恨莫從思君達永夜長

樂聞踈鍾

題潼關樓 崔顥

客行逢雨霽歇馬上津樓山勢雄三輔闔門扼九州川從

陝路去河遠華陰流向晚登臨處風烟萬里愁

題沈侯八詠樓 前人

梁日東陽守為樓望越中綠窻明月在青史古人空海靜

聞山狝川長數塞鴻登樓白雲晚流恨此遺風

登黃鶴樓 前人

昔人已乘白雲去茲地空餘黃鶴樓黃鶴一去不復返白

雲千載空悠悠晴川歷歷漢陽樹春草青青鸚鵡洲日暮

鄉關何處是煙波江上使人愁

萬歲樓 王昌齡

江上巍巍萬歲樓不知經歷幾千秋年年喜見山長在日日

悲看水獨流猿狖何曾離暮嶺鸕鷀空自泛寒洲誰堪登

望雲煙裏向晚茫茫發旅愁

芙蓉樓送辛漸長

前人

丹陽城東秋海深丹陽城北楚雲陰高樓送客不知醉寂
寂寒江明月心

宿杜判官江樓

郎士元

適楚豈吾願思歸秋向深故人江樓月永夜千里心落葉
覺鄉夢啼鳥驚越吟寥寥更何有斷續空城碓

登無錫北樓

前人

秋興因危堞歸心過遠山風霜征雁早江海旅人還驛樹
寒仍密漁舟晚更閑仲宣何所賦祇欲滯柴關

同温丹徒登萬歲樓

皇甫冉

高樓獨上思依依極浦遙山涵詩選翠微江客不堪頻北望塞
鴻何事獨詩選南飛維陽古渡寒煙積瓜步空洲遠樹稀聞道

王師猶轉戰誰能譚笑解重圍

獨上

集作

維陽

集作

烏程水樓留別

皇甫曾

悠然千里去惜此一罇同客散高樓上帆飛細雨中川程隨
遠水楚思望青楓共說前斯疑易滄波處處通

登鸛雀樓

暢當

迴臨飛鳥上高謝

詩選

世人間天勢圍平野河流入斷山

同前

王之渙

白日依山盡黃河入

一作

海流欲窮千里目更上一層

一作樓

會稽郡樓雪霽

張繼

江城昨夜雪如花郢客登樓霽望華夏禹壇前仍聚玉西
施浦上更飛沙簾櫳向晚寒風度睥睨初晴落景斜數處
微明銷不盡湖山清映越人家

登丹陽樓

前人

寒臯那可望旅客又初還迢遞高樓上蕭疎涼野間暮晴
依遠水秋興屬連山浮客時相見霜凋朱翠顏

郢城西樓吟

連山盡塞水縈迴山上戍門臨水開朱欄直下一百丈日
暖遊鱗自相向昔人愛險閉層城今人復愛開江清沙洲
楓岸無來客草綠花開山鳥鳴

馮翊西樓

前人

城上西樓倚暮天樓中歸望正凄然近郭亂山橫古渡野
莊喬木帶新煙北風吹鴈聲能苦遠客辭家月再圓陶令
好文常對酒相招一缺

晚登江樓有懷

李嘉祐

獨坐南樓佳興新青山綠水共爲鄰爽氣遙分隔浦岫斜
光偏照渡江人心閑鷗鳥時相近事簡漁竿私自親祗憶帝

京不可到秋琴一弄欲沾巾

同孫構免官後登荆樓懷歸

張謂

昔在五一作平陵時年少心亦壯嘗矜有奇骨必是封侯相東
走到營州投身事邊將一朝去鄉國十載履亭障部曲皆
武夫功成不相讓猶希虜塵動更取林胡帳去年大將軍
一負樂生謗北別傷士卒南邊死炎瘴濩落悲無成行登
薊丘上長安三千里日夕西南方疑寒沙掄塞沒秋水蠶河
漲策馬從此辭雲山保閑放

奉陪渾侍中五日登白鶴樓

盧綸

高樓倚玉梯朱檻與雲齊顧眄臨霄漢譚諧息鼓擊洪河
斜更直野雨急仍低今日陪樽俎還應醉似泥集作雅當
醉似泥

九日奉陪渾侍中宴白鶴樓

見二百
十五卷

前人

寵盛

前篇作
盛襲

九日奉陪令公登白鶴樓詠菊 前人

瓊樽有仙菊可以獻留侯願比三花秀非同百卉秋金英分
藥細玉露結房稠黃雀知恩在銜飛亦上樓

九日同司直九叔崔侍御宴雜詠寶鷄南樓前人

把藥雜詠 歎將老上樓悲未還短長新白髮稠疊舊青山霜
氣清襟袖琴聲引醉開竹林惟七友何幸亦登攀

九日奉陪渾侍中登白鶴樓 前人

碧霄孤鶴發清音上宰因添望闕心脾睨三層連步障茱
萸一朶映華簪紅霞似綺河如帶白露團珠菊散金此日
相從何所問儼然冠劍擁成林

登郡樓寄京師諸季淮南子第 常應物

初集作 罷永陽守復臥潯陽樓懸檻飄岑一作雨危堞浸集作

江流逮集作 茲聞鴈夜重憶別離秋徒有盈虧隔集作百

端鎮自憂集作 百端憂此

重陽登滁州城樓憶前歲九日歸澧上赴崔都水

并集作 諸第讌集棲然懷舊 前人

今日重九讌去歲在京師聊回出省步一赴郊園期佳節

始云邁周辰已逮集作 茲秋山蒲清景富貴集作屬乖離

凋殘集作 民里閣摧翳衆木衰樓中一長嘯惻愴起涼颼

重陽日鄂城樓送屈突司直 劉長卿

登高復送遠惆悵洞庭秋風景集作 同前集作 古雲山蒲上游

蒼蒼來暮雨森逐寒流今月關中事蕭何共爾憂

登遷仁樓誦子胥李穆 前人

臨風敞麗譙落日聽吹鏡歸路空回首新章已在腰非才
受官諉無政作人謔儉歲安三戶餘年寄六條春蕪生楚
國古樹過隋朝賴有東林客池塘免寂寥

九日題蔡國公主樓

前人

主第人何在重陽客暫尋
水餘龍鏡色雲罷鳳簫音
暗牖藏昏旦蒼苔換古今
晴山卷幔出秋草閉門深
籬菊仍新吐庭槐尚舊陰
年年盡梁鷺來去獨集作豈無心

和顏集作樊

使君登潤州城樓

前人

山城迢遞敞高樓
露冕吹鏡居上頭
春草連天隨北望
夕陽浮水共集作向東流
江田漠漠全吳地
野樹蒼蒼故蔣州
王粲曾為南郡客
別來無處更銷憂

同裴錄事樓上望

釋皎然

退食高樓上湖山
向晚晴桐花落萬井
月影出重城水竹涼
風起簾幙暑氣清
蕭蕭獨無事因見菰疑人情

九日陪顏使君真卿登水樓

前人

重陽荆楚尚高會
此難陪偶見登龍客
同遊戲馬臺風文
向水疊雲態擁歌
迴持菊煩相問捫襟愧不才

登潤州芙蓉樓

崔峒

上古人何在東流水
不歸往來潮有信
朝暮事成非煙樹
臨沙靜雲帆入海
稀郡樓多逸興
良牧謝玄暉

同崔邠登鸛雀樓

李益

鸛雀樓前集作南百尺檣
汀洲雲集作寒樹共茫茫
漢家簫鼓空流水
魏國山河蒲集作半夕陽
事去千年猶恨促集作速愁來一日即為一作知長風
塵併在思鄉望集作是思歸望併遠目非春亦自傷

登寧州城樓

揚巨源

宋玉本悲秋今朝更上樓
清波城下去此意重悠悠
晚菊臨杯思寒山蒲郡愁
故關非內地一為漢家羞

同薛侍御登黎陽縣樓眺黃河 前人

倚檻恣流目高城臨大川九回紆白浪一半在青天氣肅
空晴外光飆曉日邊開襟值佳景懷抱更悠然

道州城北樓觀李花作

呂溫

夜疑關山月曉似砂場雪曾使西域來幽情坐超越將念
浩無際欲言忘所說豈是花感人自憐抱孤節

道州秋夜南樓即事

前人

誰令獨坐愁日此南樓雲去舜祠閉月明瀟水流猿聲
何處曉楓葉蒲山秋不欲匣中鏡少年看白頭

登咸陽北寺樓

張籍

高秋原上寺下馬一登臨渭水西來直集作急秦山南向集作去

深舊宮人不見集作佳荒碣路難尋日暮涼風起蕭條多遠心

法雄寺東樓

前人

汾河舊宅今為寺猶有當時歌舞樓四十年來車馬客古

槐深巷暮蟬愁

重到江州感舊遊題郡樓十二韻

白居易

掌綸知是忝剖竹信為榮才薄官仍重恩深責尚輕昔徵

從典午今出自承明鳳詔休揮翰漁歌欲濯纓還乘小樓

艇集作鮒却到古湓城醉客臨江待禪僧出郭迎青山蒲眼

在白髮半頭生又校三年老何曾一事成重過蕭寺宿再

上廬樓行雲水新秋思閭閻舊日情郡民猶認得司馬詠

詩聲

江樓望歸時避難越地

一作在越中

前人

蒲眼雲水色月明樓上人旅愁春入越鄉夢夜歸秦道路

遙集作通荒服田園隔虜塵悠悠滄海畔十載避黃巾

晚春登大雲寺南樓贈常禪師已見二百二十二卷前人

廬樓曉望

前人

獨憑朱檻立陵晨山色初明水色新
竹霧曉籠銜嶺月嶺風暖送過江
春子城陰處猶殘雪衙鼓聲前未
有塵三百年來庾樓上曾經多少
望鄉人

題岳陽樓

前人

岳陽城下水漫漫獨上危樓凭曲欄
春岸綠時連夢澤夕陽集作波紅處
近長安猿攀樹立啼何苦鴈點湖
飛渡亦難此地唯堪畫圖障華堂
前與貴人看

揚州登龍興寺樓望郡北高峯

賈島

郡北最高峯巉巖絕雲路朝來上
樓望稍覺得幽趣朦朧碧煙裏
羣嶺若相附何時一登陟萬物
皆下顧

夏夜登南樓

前人

水岸鬧集作寒非樓帶月躋夏林
初見岳陽溪一點新螢報秋
信不知何處是菩提

抄秋登江樓

周賀

平楚起寒色長沙猶未還世情
何處澹湘水向人鬧空翠隱高
鳥夕陽歸遠山孤雲萬餘里惆
悵洞庭間

文苑英華卷第三百十二

登仕郎胡柯

鄉貢進士

叔夏

校正

文苑英華卷第百一十三

詩一百六十三

居處三

樓三十二首

臺三十七首

樓

江樓春望

于武陵

樓上長江路舟車盡不聞鳥聲非故國春色是他山一望
雲復水幾重河與關愁心隨落日萬里各西還

題安州浮雲寺樓寄湖州張郎中杜牧

去夏踈雨餘同倚朱欄語當時樓下水今日到何處恨如
春草多事與孤鴻去楚岸柳無窮別愁紛若絮

此詩二百六十一卷重出今已削去

登池州九峯樓寄張祐

前人

百感中集作來不自由角聲孤起夕陽樓碧山終日思無

盡芳草何年恨即休
睫在眼前長不見道非身外欲集作更

何求誰人得似張公子千首詩輕萬戶侯

此詩二百六十卷重出今已削去

前人

千秋令

集作佳

節名空在承露絲囊世已無唯有紫苔偏得

集作稱

意年年因雨灑

集作上

金鋪

江樓夜別

許渾

離別奈情何江樓凝艷歌蕙蘭秋露重蘆葦夜風多深怨
寄清瑟遠愁生翠蛾酒酣相顧起明月掉寒波

登尉佗樓

前人

劉項持兵鹿未窮自乘黃屋島夷中南來作尉任囂力北
向稱臣陸賈功簫鼓尚陳今世廟旌旗猶鎮昔時宮越人
未必知虞舜一奏薰絃萬古風

題韶州驛樓

集作韶州驛樓

前人

待月江

集作西

樓卷翠羅玉盃瑤瑟近星河簷前碧樹窮秋

密窻外青山薄暮

一作霧

多鷓鴣未知狂客舞

集作醉

鷓鴣先

讓美人歌使君不

集作莫

惜通宵醉

集作飲

刀筆初從馬伏波

咸陽城西

集作東

樓晚眺

前人

一上高城萬里愁兼葭楊柳似汀洲溪雲初起日沉閣山
雨欲來風滿樓鳥下綠蕪秦苑夕蟬鳴黃葉漢宮秋行人
莫問前朝

一作當特

事渭水寒聲晝夜流

一作來渭水

故國東流

和崔大夫新廣北樓登眺

前人

北望高樓夏亦寒山重水闊接長安脩梁暗換丹楹少踈
牖全開彩檻寬風卷浮雲披睥睨露涼明月墜一作墮攔干
庾公戀闕懷鄉處目送歸帆下遠灘

北樓

李商隱

春物豈相干人生只強歡花猶曾飲夕酒竟不知寒異城
東風濕中華上象寬此樓堪北望輕命俯集作危攔

夕陽樓

在榮陽蕭侍郎守榮陽日作

前人

花明柳暗繞天愁上盡重城更上樓欲問孤鴻向何處不
知身世自悠悠

酬牛秀才登樓見示

薛逢

旅官再經秋心煩懶上樓年光同過隙人事且隨流骨肉
憑書問鄉關託夢遊所嗟山郡酒傾盡只添憂

嘉川驛樓晚望

姚鵠

樓壓寒江上開簾對翠微斜陽諸嶺暮古渡一僧歸窻迴
雲衝起汀遙鳥背飛誰言坐多倦目極自忘歸

楚州宴花樓

趙嘏

門外煙橫載酒船謝公携客醉華筵尋花偶坐將軍樹飲

酒方重刺史天幾曲艷歌春色重斷行高鴈暮雲邊分明
聽得輿人語願及行春更一年

登安陸西樓

前人

樓上華筵日日開眼前人事祇堪哀征車自入紅塵去遠
水長穿綠樹來雲雨暗更歌舞伴山川不盡別離杯無由
併寫春風恨欲下鄖城首重回

鶴雀樓晴望

馬戴

堯女樓西望人懷太古時海帆通禹穴山木閉虞祠鳥道
殘虹挂龍潭返照移行雲如可馭萬里赴心期

同蕭山陳明府

集作長官

縣樓登望

方干

坐看南北與東西遠近無非禮義中一縣繁花香送雨五
株垂柳綠牽風晝潮背海集作郭喧還靜驛路穿林斷復通
仲叔受恩多感戀徘徊却惜集作怕酒壺空

長沙陪裴大夫登北樓

李群玉

巖嶂隨高步琴樽奉勝遊金風吹綠簾湖集作湘水入朱樓
朗抱雲開月高情鶴見秋登臨多暇日非爲賦消憂

江樓閣望懷關內親知集作關中親故前人

搖落江天欲盡秋遠鴻高送一行愁音書寂絕秦雲外身
世蹉跎楚水頭年貌暗隨黃葉去時情深付碧波流風淒
日冷湖光集作江湖晚駐目寒空獨倚樓

漢陽太白樓 前人

江上晴樓雲靄間蒲簾江水蒲窻山青楓綠草將愁去遠
入吳雲暝不還

題樟亭驛樓 俞坦之

危檻倚山城風帆檻外行日生滄海赤潮落浙江清秋晚
遙峯出沙乾細草平西陵煙樹色長見伍負情

題河中鸛雀樓 張喬

高樓懷古動悲歌鸛雀今無野鷺過樹隔五陵秋色早水
連三晉夕陽多漁人遺火成寒燒牧笛風吹起夜波十載
重來值搖落天涯歸計欲如何

江樓作 前人

憑檻見天涯非秋亦可悲晚天帆去疾春雪鷺來遲山水
分鄉縣干戈足別離南人廢耕織早晚罷王師

渭陽樓閣望 鄭谷

千重二華見皇州望盡疑嵐即此樓細雨不藏秦樹色夕
陽空照渭河流後車寧見前車覆今日難忘昔集作昨日憂
擾擾塵中猶集作殊未已可能踈傳獨能休

陪鄧州張負外宴白雪樓 許棠

高情日日閑多宴雪樓間灑檻江上雨當筵天際山帶帆

分浪色駐樂話朝班豈料羈遊者樽前得解顏

雨後從陶郎中登庾樓

王貞白

庾樓逢霽色夏日欲西曛虹截半江雨風驅大澤雲鳥邊魚艇聚天畔鳥行分此景唯堪畫文翁請綴文

豫章江樓望西山有懷

陳陶

水護星壇列太虛堙霓十八上仙一作真居時人未織遼東

鶴吾祖曾傳寶鼎書終日章江催白鬢何年丹竈見紅蕖桃花谷口春深淺欲訪先生赤鯉魚

鳳州北樓

羅鄴

城上層樓北望時閑雲遠水自相宜人人盡道堪圖畫枉遣山翁醉習池

慈恩寺東樓

曹松

寺樓涼出竹非與曲江賒野水流穿苑泰疑山壘入巴風

容離衆業

一作葉

岸角積虛沙此地鍾聲近令人思海涯

早登新安縣樓

羅隱

關城樹色齊往事未全迷塞路真人氣封門壯士泥草濃延蝶舞花密教鷲啼若以鳴為德鸞凰不及鷄

登夏州城樓

前人

寒聲獵獵戍旗風獨倚危樓一作攔悵望中萬里山川唐地

土千年魂魄晉英雄離心不忍聽邊馬往事應須問塞鴻好脫儒冠從校尉一枝長戟六鈞弓

登苑陵條風樓寄竇常侍

前人

亂離時節懶登臨試借條風半日吟只有遠一作遠見晚山舍暖

律不知高閣動歸心溪喧晚棹千聲浪雲護寒郊數丈陰自笑踈慵似麋鹿也教臺上費黃金

臺

登琴臺

梁簡文帝

蕪階踐昔徑復想鳴琴游音容萬春罷高名千載留弱枝
生古樹舊石染一作浸初新流由來遞相嘆逝川終不收

此詩一百七十四卷重出今已削去注異同為一作

過建章故臺

庾肩吾

魯國觀遺殿韓城想舊臺仲宣原隰滿子建悲風來夏蓮

猶反植秋窻尚左一作不開圖雲仍溜一作淺雨書石一作畫水即

生苔及君觀類聚四望知余念一作七哀

宮殿石類聚登臺

祖孫登

獨有相思意聊敬鳳凰臺蓮披一作香稍上月明光正來

離鵠類聚將雲散飛花似雪迴遙思竹林友前窻夜夜開

相如琴臺

盧照隣

聞有雍容地千年無四隣園院風煙古池臺松檟春雲疑

作賦客月似聽琴人寂寂啼鳴處空傷游子神

登越王臺

宋之問

江上越王臺登高望幾回南溟天外合北戶日邊開地濕

煙常起山晴雨半來冬花掃盧橘夏果摘揚梅跡類虞翻

枉人非賈誼才歸心不可見白髮重相催集作可見可度

登裴秀才迪小臺

王維

端居不出戶滿目望雲山落日鳥邊下秋原人外閑遙知

遠林際不見此簷間好客多乘月應一作門莫上關

登九思一作臺

張說

楚國所以霸樊霜姬有力焉不懷沈尹祿誰諳集作叔教賢

萬化茫無在孤墳獨巋然北分陽臺陌南識郢城阡漠漠

渚宮樹蒼蒼雲夢田登高形勝出訪古今名傳自我來符

守因君樹蕙荃詩書將變俗締纒忽彌天一作志闌三折

後愁值二毛前佇立帝京路搖心寄此篇

登古陽雲臺

張九齡

建樹日衰颯風霜未雲已駕言遣憂思乘興求相似楚國
茲故都蘭臺有餘址傳聞襄王世仍立巫山祀方此全盛
時豈無嬋娟子色荒神女至魂蕩宮觀裏蔓草今如積朝
雲為誰起

陪王司馬登薛公道遙臺

前人

常聞薛公淚非直雍門琴竄逐留餘跡悲涼見此心府中
因暇豫江上幸招尋人事已成古風流獨至今閑情多感
歎清景暫登臨無復甘棠在空餘蔓草深晴光送遠目勝
氣入幽襟水去朝滄海春來換碧林賦懷湘浦弔碑想漢
川沉曾是陪遊日徒為梁甫吟

琴臺

杜甫

茂陵多病後尚愛卓文君酒肆人間世琴臺日暮雲野花
留寶曆蔓草見羅裙歸鳳求凰意寥寥不復聞

鳳凰臺

山峻人不至高頂

前人

亭亭鳳凰臺北對西康州西伯今寂寞鳳聲亦悠悠山峻
路絕蹤石林氣高浮安得萬丈梯為君居集作上頭恐有
無母鷓鴣飢寒日秋集作秋我能剖心血飲啄慰孤愁心以
當竹實炯然忘外求血以當醴泉豈徒比清流所重王者
瑞敢辭微命休坐看綵翮舉集作縱意八極周自天銜圖
識集作飛下十二樓圖以獻集作至尊鳳以垂鴻猷再光
中興業一洗蒼生憂深衷正為此群盜何淹留

登單父陶少府半月臺

李白

陶公有逸興不與常人俱築臺像半月迴出高城隅置酒
望白雲高颺飛落梧集作起寒梧商秋山入遠海桑柘羅平蕪

水色綠且清集作明令人思鏡湖終當過江去愛此暫踟蹰

陵歆臺

前人

曠望登古臺臺高極人目疊嶂列遙集作遠空雜花間平陸

閑雲入窻牖野翠生松竹欲覽碑上文苔侵豈堪讀

登金陵鳳凰臺

前人

鳳凰臺上鳳凰遊鳳去臺空江自流吳時集作宮花草埋幽

逕集作國晉代衣冠成古丘三山半落青天外二水中分白

鷺洲忽爲集作道浮雲能蔽日長安不見使人愁

蘇臺覽古

前人

舊苑荒臺楊柳新採菱歌唱不勝春只今唯有西江月曾

照吳王宮裏人

秋日登吳公臺上寺遠眺寺即陳將吳明微戰地集作場劉長卿

古臺搖落後秋入望鄉心野寺來人少雲峯隔水深夕陽

依舊壘寒磬蒲空林惆悵南集作前朝事長江獨至今

嚴陵釣臺送李康成赴江東使前人

潺湲子陵瀨駉駉如在目七里人已非千年水空綠新安

江上孤帆遠應逐楓林萬餘轉古臺落日自蕭條寒水無

波更清淺臺上漁竿不復持却令猿鳥向人悲灘聲山翠

至今在遲爾行舟晚泊時

登戲馬臺作

儲光羲

君不見宋公杖鉞誅燕后英雄踴躍爭趨走小會衣冠呂

梁壑大徵甲卒礪礪口天開神武樹元勳九日茱萸饗六

軍泛泛樓船遊極浦搖搖歌吹動浮雲居人蒲目市朝變

霸業猶存齊楚甸泗水南流桐栢川沂山北走瑯琊縣滄

海沉沉晨霧開彭城烈烈秋風來少年自言未得意日暮

蕭條登古集作此臺

題嚴陵釣臺

張繼

舊隱人如在清風亦似秋客星沉夜壑釣石俯春流鳥向
喬枝聚魚依淺瀨遊古來芳餌下誰是不吞鉤

阮公嘯臺

包融

荒臺森荆杞蒙籠無上路傳是古人跡阮公長嘯處至今
清風時時動林樹遊者昔已遠昇攀相遺趣靜然荒榛
間久之若有晤靈光未歇滅千載知仰慕

仙女臺

皎然

寂寞舊桑田誰家女得仙應無鷄犬在空有子孫傳古木
花猶發荒臺月尚懸暮來雲一片一作行雲不散疑是却歸年
和邢端公登臺春望句句有春字之什
春日繡衣輕春臺別有情春煙間草色春鳥隔花聲春樹
亂無次春山遙得名春風正飄蕩春甕莫須傾

嚴公釣臺

顧况

靈芝產遐方威鳳家重霄嚴生何耿潔託志肩夷巢后漢
雖則貴在陵不知高糠粃當世道長揖夔龍朝掃門彼何
人升降不同朝捨舟遂長往山谷多清飈

辭魏博田尚書出境後感恩戀德因登藁臺揚巨源
薦書及龍鍾此事鏤心骨親知殊浪浪疑作徒御方咄咄

宿朋怡別
儼懔請行藁臺耶鄆郭臺上見新月離恨始分明缺二字

更超忽懷仁淚空盡感事情又發他時躡履聲曉日照丹
闕

題嚴光釣臺

段陽詹

弭棹歷塵跡悄然關我情伊無昔時節豈有今時名辭貴
不辭賤是心誰復行欽哉此溪曲求獨古風清集作笑

經嚴陵釣臺貽同舟者三字集
行侶許渾

故人天下定歸釣獨悠悠集作碧舊跡隨臺古高名寄水流鳥喧群木晚蟬冷集作急衆山秋更待新安月憑君暫駐舟

陵歌臺

前人

宋祖高集作陵樂未迴三千歌舞宿層臺湘潭雲盡暮山出

巴蜀雪消春水來行殿有基荒薺合寢園無主野棠開百年應集作便作萬年計巖上集作畔古碑空綠苔

青陵臺

李商隱

青陵臺畔日光斜萬古貞魂倚暮霞莫許韓憑爲蛺蝶等閑飛上別枝花

姑蘇臺

曹鄴

吳宮酒未銷又宴姑蘇臺美人相淡去半夜闔門開相對正歌舞笑中聞鼓鼙星散九重門血流十二街一去成萬古臺盡人不回時闢野田中拾得黃金釵

登盧氏臺

温庭筠

勝地當通邑前山有故居臺高秋盡出林斷野無餘白露鳴蛩急天晴疑作晴度鴈踈由來放懷地非獨在吾廬

燕臺二首

聶夷中

燕臺累黃金上欲招儒雅貴得賢士來更下於隗者自然樂毅徒趨風走天下何必馳鳳書旁求向林野

二

燕臺高百尺燕滅臺亦平一種是七國猶得禮賢名何似章華畔空餘禾黍生

題賈島吟詩臺

中出集作中沒

張喬

吟魂不復遊臺亦似荒丘一徑草中出長江天外流暝煙寒鳥集殘月夜蟲愁願得生禾黍鋤平恨即休

姑蘇臺

劉駕

勾踐飲膽日吳酒香蒲杯笙歌入海雲聲自姑蘇來西施
舞初罷侍兒整金釵衆女不敢妬自比泉下泥越鼓聲騰
騰吳天隔塵埃難將甬東地更學會稽棲霸跡一朝盡草
中棠梨開

陵歌臺

羅鄴

高臺今古竟長閑因想興亡百疑慘顏四海已歸新雨露六
朝空認舊江山槎翹獨鳥汀洲畔風亞荒榛雨雪間好是
輪蹄來往便誰人不向此躋攀

望仙臺

前人

千金疊土望三山望鶴無縱疑羽衛還若說神仙求便得
茂陵何事隔人間

姑蘇臺

羅隱

讓高秦伯開基日賢見延陵復命時未會子孫因底事解

崇臺榭爲西施

文苑芙蓉卷第三百一十三

登仕郎胡柯

鄉貢進士彭叔夏

校正

文苑英華卷第三百十四

詩一百六十四

居處四

閣四十首

堂二十三首

閣

登州中新閣

庾信

跨虛陵倒景連雲拒少陽
璇極龍鱗上雕甍鵬翅張
千尋文杏照十里木蘭香
開窓對高掌平生望河梁
歌響開天樂鍾聲徹建章
賦用王延壽書須常仲將
龍來隨畫壁鳳起逐吹簧
石作芙蓉影池如明鏡
光花梁反披葉蓮井倒
垂房徒然思驚賀無以預
鷗翔

和宇文內史入重陽閣

前人

北原風雨散南宮
容衛踈待詔還金馬
儒林歸石渠徒懸
仁壽鏡空聚茂陵
書竹淚垂秋筍蓮
衣落夏葉顧成始移

廟陽陵正徙居舊蘭樵悴長殘花爛漫舒别有昭陽殿長
悲故嬾好

登禪定寺閣

宋之問

梵宇出三天登茲望八川開襟坐霄漢揮手拍雲煙函谷
青山外昆明落日邊東京楊柳陌少别已經年

使過襄陽登鳳林寺山閣

前人

香閣臨清漢丹梯隱翠微林篁天際密人世谷中違苔石
銜仙洞蓮舟泊釣磯山雲浮棟起江雨入庭飛信美隨南
國嚴程限北歸幽尋不可再留步惜芳菲

和崔侍御日用遊開化寺閣

吳少微

左憲多才雄故人尤鷲鷄護贈單于使休軺太原郭館次
馱煩歎清懷尋寂寞西緣十里餘北上開化閣初入雲樹
間冥蒙未昭廓漸出攔梔外萬里秋景焯歲晏風落山天

寒水歸壑覽物頌幽果至乘動玄鑰但敷利解言永用忘
昏著

岳州九日宴道觀西閣

張說

搖落長年歎蹉跎遠官心北風嘶代馬南浦宿陽禽佳此
黃花酌酌餘白首吟涼雲霾楚望濛雨蔽荆岑登眺思清
景誰將卷濁陰釣歌出江霧樵唱入山林魚爲佳一作嘉名

採木爲美材侵大道由中悟逍遙匪外尋參佐多君子詞
華妙賞一作達音留題一作淹洞庭觀望古意何深一作時雜詠一作皆歲

登惣持寺閣

張九齡

香閣起崔嵬高高沙版開攀躋千仞上紛詭萬形來草間
商君陌雲重漢后臺山從幽谷斷川向斗城回林裏春容
變天邊客思催登臨信爲美懷遠獨悠哉

晚憩王少府東閣

前人

披軒肆流覽雲壑見深重空水秋彌淨林烟晚更濃座隅
分洞浦簷際列羣峯窈窕生幽意參差多異容還漸大隱
跡空想列仙蹤賴此昇攀處蕭條得所從

宿雲門寺閣

孫逖

香閣東山下煙花象外幽燃燈千嶂夕卷幔五湖秋畫壁
飛鴻鴈紗窓宿斗牛更疑天路近夢與白雲遊

西閣曝背

集作

杜甫

凜冽倦立冬負暄嘗飛閣羲和流德澤顓頊媿倚薄毛髮

具自私集作和肌膚潛沃若太陽信深仁棄氣歛有託敬傾

煩注眼容易收病脚瀏漓木梢猿集作流離才杪猿翩翩集作山巔

鶴朋知苦聚散哀樂亦已吹集作已吹耶事會賦詩人生忽如

錯集作古來遭喪亂賢聖盡蕭索胡為將暮年憂世心

力弱

飛仙閣

前人

出集作門山行窄微徑緣集作徑秋豪棧雲闌干峻梯石

結構牢萬壑歌踈林積陰帶奔濤寒日外淡泊長風中怒

號歇鞍在地底始覺所歷高往來雜坐卧人馬同疲勞浮

生有定分飢飽豈可逃歎息謂妻子我亦集作隨汶曹

龍門閣

前人

清江下龍門絕壁無尺土長風駕高集作浪浩浩自太古

危途中縈盤集作仰望垂線縷滑石歌誰鑿浮梁梟相

挂目眩隕雜花頭風吹過集作雨百年不敢料一墜那得

取飽聞集作經瞿唐足見度大庾終身歷艱險恐懼從此

數

登瓦官寺閣

李白

晨登瓦官閣極眺金陵城鍾山對北戶淮水入南榮漫漫

雨花落嘈嘈天樂鳴兩廊振法鼓四角吹集作風箏杳出

霄漢上仰攀日月行山空霸氣滅城古寒陰生寥廓雲海

晚蒼茫宮觀平門餘閭闔字樓識鳳凰名雷作百川集作

動神扶萬拱傾靈光一向集作貴長此鎮吳京

登巴陵開元寺西閣贈衡嶽僧方外前人

衡嶽有開士五峯秀真骨見君萬里心海水照秋月大臣

南溟去問道皆請謁洒以集作甘露言清涼潤肌髮明湖

落天鏡香閣陵銀闕登眺餐惠風新花期啓發

同皇甫冉登重玄閣 李嘉祐

高閣朱欄不歇遊蒹葭白水遠長洲孤雲獨鳥川光暮萬

井千山海氣秋清梵林中人轉靜夕陽城上角偏愁誰堪

遠作秦吳別離恨歸心雙淚流

題鮑行軍小閣 嚴維

字下無留事經營意獨新文房已得地相閣是推輪席上

招賓急山陰對雪頻虛明先旦暮啓閉異冬春談笑兵家

法逢迎幕府賓還將負暄處時借在陰人

晚霽登王六東閣 前人

試上江樓望初逢山雨晴連空青嶂合向晚白雲生俊美

要殊觀蕭條見遠情情來不可極日暮水流清

登景雲寺閣 張元宗

胡馬飲河洛我家從此遷今來獨垂涖三十六峯前

晚霽登汝南大雲閣 賈彥璋

禪宮新雨歇香閣晚登臨邑樹晴光起川苗佳氣深水包

城下岸雲細郢中岑自歎牽早日聊開望遠心

宿香山閣 前人

瞑上香山閣梯雲宿半空軒窗閉潮海枕席拂煙虹朱網

防棲鷓紗燈護夕蟲一聞雞唱曉已見日曈曈

登聖善寺閣

褚朝陽

飛閣青雲裏先秋獨早涼天花散窻近月桂拂簷香華嶽
三峯小黃河一帶長空聞指歸路煙處是垂楊

和嚴長官秋日登太原龍興寺閣野望毆陽詹

百丈化城樓君登最上頭九霄回棧路八到視并州煙火
遺堯庶山河啓聖猷短垣齊介嶺片帛指汾流清鐸中天
籟哀鴻下界秋境閑知道勝心遠見名浮豈念棄肥馬方
應駕大牛自憐蓬逐吹不得與良遊

和太原鄭中丞登龍興寺閣

前人

青窻朱戶半天開極目凝神望幾迴晉國頽墉生草樹皇
家瑞氣在樓臺千條水入黃河去萬點山從紫塞來獨恨
侍遊遠長者不知高意是誰陪

登天宮閣

白居易

午時乘輿出薄暮未能還高上煙中閣平看雪後山委形
羣動裏任性一生間洛下多閑客其中我最閑

題宣州開元寺水閣

杜牧

六朝文物草連空天澹雲閑今古同鳥去鳥來山色裏人
歌人哭水聲中深秋簾幕千家雨落日樓臺一笛風惆悵
無因逢范蠡參差煙樹五湖東

天河閣到啼猿閣即事

顧非熊

萬壑褒中路何曾不架虛濕雲和棧起焦枿帶餘畬疑作巖
狖牽垂果湍禽接迸魚每逢維艇處塢裏有人居

題大雲西閣

薛能

閣臨偏險寺當山獨坐西城笑蒲顏四野有歌行路樂五
營無戰射堂閑擊和調角秋空外砧辨征衣落照間方擬

殺身酬聖主敢於高處戀鄉關

題開元寺閣

前人

一閣見一郡亂流仍亂山未能終日住尤愛暫時閑唱棹
吳門去帝林杜宇還高僧不可羨西景掩揖疑關

秋宿青龍禪閣

李洞

前山不可望暮色漸沉圭日轉須彌北蟾來渤海西風林
亂僧話霜枯疑欠猿啼閣外千家夢分明見裏迷

湖閣

李羣玉

楚色籠秋草秋光洗洞庭夕霏生水寺初月落集作雲汀
棹響來空閣漁歌去集作杳冥欲浮欄下艇一到斗牛星

題宣州開元寺閣

張喬

誰家煙徑長莓苔金碧虛欄竹上開流水遠分山色斷清
猿時帶角聲來六朝明月唯詩在三楚空山有鴈迴達理

始應盡疑

惆悵僧閑

得話天台

回鑿閣寫望

前人

古閣上空半寥寥千里心多年為客路盡日倚欄吟微疑壓
秦川重深來虜塞心疑回鑿今不見煙霧杳沉沉

滕王閣寫望

前人

創來人世殊幾度繞汀廬一作疊浪有時有閑雲無日無
早涼先鷺去返照後帆孤未得營歸計菱歌滿舊湖

登寶曆寺閣

陳陶

金碧高層世界空凭蜺長嘯八蠻風橫軒水壯蛟龍府倚
棟星開牛斗宮三楚故墟殘景北六朝荒苑斷山東不堪
懷古勞悲笑安得鵬搏顥氣中

和西江

江一作南

李助副使早登開元寺閣前人

虛豁登寶閣三休極層構獨立天地間煙雲滿襟袖鼇荒

初浴日劒野呈綺繡愁檻祝融微陰軒九江湊拂簷皇姑
舍錯落白榆秀倚砌天竺祠蛟龍蟠古甃脩然觀六合一
指齊宇宙書劒忽若青雲日方晝南朝空蒼莽楚澤稀
耕耨萬事溺頽波一航安可受疑徒云寄麟泣六五終難
就資斧念徐生湖花隱圭竇早聞羣黃鶴飄舉此江岫陵谷
空藹然入樵巴鷓鷯官豸冠客憑覽發清奏珠玉難嗣音
縱轅愧孤陋

夏日題遠公北閣

羅鄴

危閣壓山岡晴空礙鳥行勝搜花界盡響益梵音長有月
堪先到無風亦自涼人煙分煉繞諸疑樹共蒼蒼榻戀高樓
語甌憐盡茗香此身閑未得驅馬入殘陽

登瓦官寺閣

羅隱

下盤空跡上雲浮偶逐僧行步步愁暫憩已知須用意漸

危爭忍不回頭煙中樹老重江晚鐸外風輕四境秋懶指
臺城更東望鵲飛龍闕盡荒丘

楊州

集作廣陵

開元寺閣上作

前人

蒲檻山川漾落暉檻前前事去如飛雲中雞犬劉安過月
裏笙歌煬帝歸江感海門帆散出地吞淮口樹相依紅樓
翠幕知多少長向東風有是非

滕王閣春日晚眺

曹松

陵春帝子閣偶眺日移西浪勢平花塢帆陰上柳堤凝嵐
宿翼疊鼓碎歸蹄只此長吟詠因高思不迷

題昭州山寺常寂上人水閣

前人

常寂常居常寂裏年年月月是空空塔前未放巖根斷屋
下長教海眼通本為人來尋佛窟不期行處踏龍宮他時
憶着堪圖畫一朵山出二水中

堂

疏圃堂

庾肩吾

北宮多暇豫時駕總鸞鑣路靜繁葭撤輪移羽蓋飄臨空
坐飛觀回首望浮橋風長曙鍾近地迴初學記洛城遥踈
林不礙目初學記涸濟暫通潮徒然等賓從並作愧羣僚

文翁講堂

盧照隣

錦里淹中館岷山稷下亭空梁無鷺雀古壁有丹青槐落
猶疑市苔深不辨銘良哉二千石江漢表遺靈

酬楊比部員外暮宿琴堂朝躋書閣率爾見贈
之作
王維

舊簡拂塵看鳴琴侯集作月彈桃源迷漢姓松樹有秦官
空谷歸人少青山背日寒羨君樓隱處遥望白雲端

草堂

杜甫

昔我去草堂蠻夷塞成都今我歸草堂集作都適一作
無虞請陳初亂時反覆乃須臾斯一作大將赴朝廷羣小起
異圖中宵斬白馬盟軟氣已麤西取邛南兵北斷劔閣隅
布衣數千人亦擁專城居其勢不兩大始聞蕃漢殊西卒
却倒戈集作賊臣互相誅焉知肘腋禍自及梟鏡徒義
士猶集作痛憤紀綱亂相踰一國實三公萬人一作欲為魚唱
和作威福孰肯辨無辜眼前列桎械背後吹笙竽談笑行
殺戮血流集作滿長衢到今用鉞地風雨聞號呼鬼集作
妾與鬼馬色悲充爾娛國家法令在此又足驚吁賤子且
奔走三年望東吳孤矢暗江海難為遊五湖不忍竟捨此
復來雜榛蕪入門四松在步屨集作萬竹踈舊犬喜我歸
低徊入衣裾隣舍喜我歸酌酒提胡蘆集作大官知集作
我來遣騎問所須城郭知喜集作我來賓客隘一作村墟天

下方集作未寧健兒勝腐儒飄飄一作塵埃集作際何地
置老夫於時是疣贅骨髓幸未枯飲啄媿殘生食薇不敢餘

終南山雙峯草堂作

岑參

歛路集作歸山田偃息集作謝時輩晝還草堂卧但以集作

雙峯對興來恣佳遊事愜符勝槩著書高窻下日夕見城

內曩為世人誤遂負平生愛文與林壑辭及來杉松大偶

茲精廬近屢得集作名僧會有時逐樵漁集作盡日不冠

帶崖口上新月石門破蒼靄色向羣木深光搖一潭碎緬

懷鄭生谷頗憶嚴子瀨勝事猶可追斯人邈千載

裴六書堂

王昌齡

閑堂閉空音一作竹木但清響窻下長嘯客區中無遺想

經綸精微言無濟當獨往

過橫山顧山人草堂

劉長卿

祇見山相掩誰言路尚通人來千嶂外犬吠百花中細草

香帶雨垂楊閑自風却尋樵徑去惆悵綠溪東

題王十九茅堂

李嘉祐

滿庭多種藥人里作山家終日能留客凌寒亦對花海鷗

過竹嶼門柳拂江沙知爾早棲意題詩美白華

題武陵草堂

楊浚

草堂列仙樓上在青山頂戶外窺數峯階前對雙井雨來

花盡濕風度松初冷登棧行不疲入溪語彌靜本能去塵

服兼欲事金鼎正直心所存諂諛長自省適知幽遁趣已

覺煩慮屏更愛雲林閑吾將卧南穎

題鄭拾遺草堂

韋應物

借地建集作茅棟橫竹挂朝衣秋園雨中綠幽居塵事遠

陰集作涼

井夕蟲亂高林霜果稀子有白雲意構此想巖扉

湖南草堂讀書招李少府

釋皎然

削去僧中事南池便隱居為憐松子壽還卜道家書藥院常無客茶罇獨對余有時招送吏來飯野中蔬

過趙居士擬置草堂處所

王建

休師竹林北空可兩三間雖愛獨居好終來相伴閑猶嫌近前樹為好看南山的有深耕處春初須早還

錢侍郎使君以題廬山草堂詩見示因以戲集作酬

之見二百五十八卷

白居易

題別遺愛草堂兼呈李十使君

李十亦嘗隱廬

山白鹿洞

前人

曾住鑪峯下書堂對藥臺斬新蘿徑合依舊竹窓開砌水親看決池荷手自栽五年方暫至一宿又須回縱未長歸

得猶勝不到來君家白鹿洞聞道亦生苔

冬夜宴河東李相公堂

命笙歌送酒見二百十六卷

劉禹錫

後梁宣明二帝碑堂下作

前人

玉馬朝周從此辭園陵寂寞對豐碑千行宰樹荊州道暮雨蕭蕭聞子規

尋隱者常九山人東溪草堂

朱灣

尋集作窮

得仙源訪隱淪漸來深處漸無塵初行竹裏唯通

馬直到花間始見人四面雲山誰作主數家煙火自為隣路傍樵客何須問朝市如今不是秦

李常侍書堂

釋無可

結構因墳籍簷前竹未生塗鉛窻日早開槩愧風輕自架蛩驚客垂燈雨過城已應窮古史師律孰齊名

和厲玄侍御題戶部相廬山草堂

劉得仁

白雲居創畢詔入鳳池年林長雙峯樹潭分並寺泉石溪
盤鶴外岳室閉猿前柱史題詩後松門更肅然

草堂

趙嘏

練江橫在草堂前楊柳洲西載酒船兩見梨花不歸得每
逢雲鳥即依然斜陽映閣山當寺微綠含風月滿川同郡
故人攀桂盡把詩吟向寂寥天

老圃堂

薛能

邵平瓜地接吾廬穀雨乾時偶自鋤昨夜春風欺不在就
牀吹落讀殘書

題友人草堂

張喬

空山卜隱初生計亦無餘三畝水邊竹一牀琴畔書深林
收晚果絕頂拾秋蔬堅話長如此何年獻子虛

王先輩草堂

陸龜蒙

松徑隈雲到靜堂杏花臨澗水流香身從亂後全家隱
日校人間一倍長金綠疑作漸加新品秩玉皇偏賜羽衣
裳何如聖代彈冠出方朔曾為漢侍郎

文苑英華卷第三百十四

登仕郎胡 柯 鄉貢進士彭 叔夏 校正

草堂

洲西集作不歸得集作雲鳥即依然集作含風集作吟向集作

文苑英華卷第三百十五

居處五

亭七十三首

亂後經吳郵亭

庾肩吾

郵亭一圃望風塵千里昏青袍異春草白馬卽吳門
鯁類聚作鞭伊洛雜種亂輾轅輦道同關塞王城似太源
休明鼎尚重秉禮園猶存殷牖爰雖曠堯城吏轉尊
泣血悲東走橫戈念北奔方憑七廟畧誓雪五陵
寃人事今如此天道共誰論

登百花亭懷荆楚

梁元帝

極目纔千里何由望楚津落花灑行路垂楊拂砌塵
柳絮飄春雪荷珠漾水銀試酌新清酒遙勸陽臺人

以下三篇並見江州石本

奉和登百花亭懷荆楚

朱超道

亭高登望極春心遠近同莫恨荆臺隱雲行不礙空柳色
浮新翠蘭心帶淺紅若因鵬舉便重上龍門中

追和登百花亭懷荆楚

陰鏗

江陵一柱觀尋陽千里潮風煙望似接川路恨成遙落花
輕未下飛石本作游絲斷易飄藤長還依格石本作格嶺荷生不避橋
陽臺可憶處唯有暮將朝

臨水亭

閻丘均

高館基曾山微幕生花草傍對野村樹下臨車馬道清朗
悟心術幽遐備瞻討回合峯隱雲聯綿渚縈島氣似滄州
勝風為青春好相及盛年時無令歎衰老

山亭夜晏

河色集作汀色

王勃

桂宇幽襟積松庭涼夜永森沉野逕寒肅穆巖扉靜竹晦
南河色荷翻北潭影清興殊未歸林端照初景

宿晉安亭

盧照隣

聞有絃歌地穿鑿本多奇遊人試一覽臨翫果忘疲窻橫
暮捲葉簷卧古生枝舊石開紅蘚新荷覆綠池孤猿稍斷
絕宿鳥復參差沉澗月華曉徘徊星鬢垂今日剛書客樓
違君詎知

同王員外雨後登開元寺南樓因酬暉上人獨

坐山亭有贈

陳子昂

鍾梵經行罷香林坐入禪巖庭交雜樹石瀨寫鳴泉水月
心方寂雲霞思獨玄寧知人代裏疲病苦攀緣

王屋山第之側雜構小亭暇日與羣公同 李嶠

桂亭依絕巘蘭榭俯回溪綺棟魚鱗出雕甍鳳羽栖引泉聊
漲沼鑿磴且通蹊席上山花落簾前野樹低弋林開曙景
鈞渚發晴霓狎水驚梁鴈臨風聽楚雞復看題柳葉彌喜

蔭桐圭

從驩州廨宅移住山中集作水亭贈蘇使君沈佺期

遇坎即乘流因到極南州集作西南鬼閑應苦夜瘴浦不宜

秋歲貸曾穿老宵集作飛臯飲頭死生離骨肉榮辱間朋

遊弃置一身在平生萬事休鷹鷂遭誤逐豺武怯真投憶

昨京華子傷今邊地因願陪鸚鵡樂希並鸕鷀留日月集作

鄉思煙花換客愁幸逢蘇伯玉回借水亭幽山相歌集作

青蓋江蕉卷綠油乘閑無火宅因放有虛集作舟適越心

當是居夷迹可求古來堯禪舜何必罪驩堯

旅宿淮陽亭口號 張九齡

日暮荒亭上悠悠旅思多故鄉臨桂水今夜眇星河暗草

霜華發空庭鴈影過興來誰與晤勞者自為歌

與王六履震廣州津亭曉望 前人

明發臨前渚寒來淨遠空水紋天上碧日氣海邊紅景物

空集作紛為異人情賴此同乘桴自有適非欲破長風

林亭作集作 前人

穿築非求麗幽閑欲寄情寓懷因壤石真意在蓬瀛苔益

山文古池添竹氣清從茲果蕭散無事亦無營

立秋日題安昌雜詠作寺北山亭 孫逖

樓岨倚長霄登攀及霽朝高如石門頂勝擬赤城標天路

雲虹近人寰氣象遙山清雜詠伯禹廟江落五胥潮徂暑

迎秋薄涼風是日飄果林餘苦李萍水覆甘蕉覽古嗟夷

漫陵空愛寂集作寥更聞金刹下鍾梵晚蕭蕭

望春亭觀禊飲應制 見一百七十二卷 王維

與盧員外象過崔處士興宗林亭前人

綠樹重陰蓋四隣青苔日厚自無塵科頭箕踞長林集作

下白眼看他世上人集作看君是甚人

和宋大使北樓新亭

孟浩然

返耕意未遂日夕登城隅誰道山林近坐為符竹拘麗譙
非改作軒檻是新圖遠水自嶠冢長雲吞具區願隨江鷺
賀羞逐府寮趨欲識狂歌者集作客丘園一豎儒

晚春題承一作遠上人南亭前人

給園支遁隱虛寂養身和春晚羣木秀關一作間閔黃鳥歌
林栖居士竹池養右軍鵝炎月北窓下清風期再過

秋登張明府海亭前人

海亭秋日望委曲見江山染翰卧題壁傾壺一破顏歌逢
彭澤令歸賞故園間余亦將琴史棲逢共取閑

梅道士水亭前人

傲吏非凡吏名流即道流即道流隱居不可見高論莫能酬水接

仙源近山藏鬼谷幽再來迷處所花下問漁舟

夏夕南亭懷辛大前人

山光忽西發集作落池月漸東上散髮乘夕涼開軒卧閑敞
荷風送香氣竹露滴清響欲取鳴琴彈恨無知音賞感此

懷古集作故人中宵勞夢想

鄭郎中山亭崔翹

篆筆飛章暇園亭染翰遊地奇人境別事遠俗塵叔書閣
山雲起琴齊澗月留泉清鱗影見樹密鳥聲幽杜馥重梅
雨荷香送麥秋無勞置驛騎文酒暗相求

晚至鄉亭鄭德玄

長亭日已暮駐馬暫盤桓山川香不極徒侶默相看雲夕
荆臺暗風秋郢路寒客心一如此誰復採芳蘭

登牛頭山亭子杜甫

踏出雙林外亭窺萬井中江城孤照日山集作泰谷遠含風

兵革身將老関河信不通猶殘數行淚忍對百花叢

暮春陪李尚書李中丞過鄭監湖亭泛舟得過前人

海內文章伯湖邊意緒多玉樽移晚興桂楫帶酣歌春日

繁魚鳥江天足芟荷鄭莊賓客地衰白遠來過

客亭 前人

秋窓猶曙色落木更高風集作木落更天風日出寒山外江流宿

霧中聖朝無弃物老病已成集作衰翁多少殘生事飄零似

轉蓬

遊謝氏山亭 李白

淪老卧江海再歎天地清病寒集作閑父寂寞歲物徒芬榮

借君西池遊聊以散我情掃雲集作雪松下去捫蘿道邊集作

道石行謝公池塘上春風集作草颯已生花枝拂人來山鳥向

我鳴田家有美酒落日與之傾醉後弄歸月遙欣稚子迎

宣城九日聞崔四侍御與宇文太守遊敬亭余

時登響山不同此賞醉後寄崔侍御二首 前人

九日茱萸熟挿鬢傷早白登高望山海滿目悲古昔遠訪

投沙人因為逃名集作名山客故交竟誰在獨有崔亭伯重陽

不相知載酒任所適手持一把集作枝菊談集作調笑二千石

日暮岸幘歸傳呼隘集作溢阡陌彤檐雙白鹿賓從何輝赫夫

子在其間遠成雲霄隔良辰興美景兩地方虛擲晚從南峯

歸蘿月下水壁却登郡樓望松色寒轉碧望美集作尺不可親

弃我如遺舄

二

九卿天上落五馬道傍來列戟朱門曉褰帷碧嶂開登高

望遠海召客得英才紫綬歡情洽黃花逸興催山從集作依

圖上見溪即

集作

鏡中回遙羨重陽作應過戲馬臺

題金陵王處士水亭

此亭蓋齊朝南苑又是陸機故宅

前人

王子耽玄言賢豪多在門好鵝尋道士愛竹嘯名園樹色
秀荒苑池光蕩華軒北堂見明月更憶陸平原掃拭青玉
簞為余置金罇醉後欲歸去花枝宿鳥喧何時復來此更
集作得洗囂煩

陪族父當塗宰遊化城寺昇公清風亭 前人

化城如

集作

化出金勝天宮開疑是海上雲飛空結樓臺

昇公湖上秀壑然有辯才濟人不利已立俗無嫌猜了見
水中月青蓮出塵埃閑居清風亭左右清風來當暑陰廣
殿太陽為徘徊茗酌待幽客珍盤薦彫梅飛文何灑落萬
象為之摧季父擁鳴琴德聲布雲雷雖遊道林室亦舉陶
潛盃清樂動諸天長松自吟哀留歡若可盡劫石乃成灰

題韓府水亭

祖詠

梅福幽棲處佳期不可集作還鳥吟當戶竹花遶傍池水氣
侵堦冷藤陰覆坐閣寧知武陵趣宛在市朝間

晚泊金陵水亭

前人

江亭當廢國秋景倍蕭騷夕照明殘壘寒潮漲古壕就田
看鶴大隔水見僧高無限前朝事醒吟易覺勞

陸渾水亭

後卷作陸渾山莊即事

前人

晝眺伊川一作東山曲巖開霽色明淺沙平有路流水慢無聲
浴鳥沿波聚潛鱗一作魚觸釣驚更尋一作憐春岸上一作綠幽

意滿山楹

一作滿前楹與

此詩三百十九卷重出今已削去注異同為一作

李二侍御丹陽東去新亭寄

皇甫冉

姑蘇東望海林間幾度栽書信未還長在府中持白簡豈

知天半有青山人歸極浦寒流廣鴈下平蕪秋野閑舊日
新亭更携手他鄉風景亦相関

酬疑忠公林亭

包融

江外有真隱寂居歲已侵結廬近面術種樹久成陰人跡
乍及戶車聲遙隔林自言解塵事咫尺能韜沉爲道豈廬
霍會靜由吾心方秋院木落仰望日蕭森持我興來趣采
菊行相尋塵念到門盡遠情對君深一談入理窟再索破
幽襟安得山中信致書移尚禽

後漢逸民傳尚長字子平與
北海禽慶字子夏二人相善

夕次華陰北亭

林琨

清晨孤亭裏極目對前岑遠與水天合長霞生夕林蒼然
平楚意杳靄半晴陰落日川上盡関城雲外深方余事巖
壑及此欲抽簪待就蓬山道還茲契宿心

同蔡孚五亭詠

徐晶

帝疑奏中京罷雲泉別業歸拂琴鋪野席牽柳挂朝衣翡翠
巢書愧鴛鴦立釣磯幽栖可憐處春事滿林扉

潞府客亭寄鳳童

王昌齡

蕭條郡城閉旅館空寒煙秋月對悲客山鍾搖暮天新知
偶相許斗酒情依然一宵阻良會清風徒滿川

宴南亭

前人

寒江映村林亭上納鮮絜楚客共閑飲靜坐金管闌酣竟
日入山暝來雲歸穴城樓空杳蕩猿鳴備疑清切物狀如
絲綸道心爲余決訪君東溪事早晚樵路闊

題裴十六少卿東亭

李嘉祐

平津舊東閣深巷見南山卷箔風煙潤遮窓竹影閑傾茶
兼落帽戀客不開関斜照窺簾集作外川禽時往還

過裴長官新亭

錢起

茅屋多新意芳林昨試移野人知石路戲鳥認花枝慢水
縈蓬戶閑雲桂竹籬到家集作成一醉歸馬不能騎

題蘇公林亭

前人

平津東閣在別是竹林期萬葉秋聲裏千家落照時門隨
深卷靜窓過遠鍾遲客位苔生處依然又賦詩

春遊南亭

常應物

川明一作晴氣已變崑寒雪集作尚擁南亭草心綠春塘泉

脉動景煦聽禽響雨餘看柳重道遥池館華益愧專城寵

和吳舍人早春歸沐西亭言志 前人

曉漏戒中禁清香肅朝衣一門雙掌誥伯侍仲言歸亭高

性情曠職密交遊稀賦詩樂無事解帶偃南扉陽春美時

澤旭霽望山暉幽禽響未轉東原綠猶微名雖列朝集作

爵心已遺集作塵機卽事同巖隱聖渥良難違

題獨孤常州湖上林一作新亭

劉長卿

出樹倚朱欄吹鏡引上官老農持鋤拜時稼卷簾看水對

登龍淨山當建隼寒夕陽湖草動秋色渚田寬渤海人無

事荊州客獨安謝公何足比來往石門難

題于越亭集作前人

天南愁望絕亭上柳條新落日獨歸鳥孤舟何處人生涯

投嶺集作傲世業陷邊集作塵江入千峯暮花連百越春

集作秦臺憐集作白首楚水集作怨清蘋草色

無集作征路鷺聲傍逐臣獨醒翻集作取笑直道不容身

得罪風霜苦全生天地仁青山數行淚滄海一窮鱗流客

誰相識空將鷗鳥親集作盡集作憐鷗鳥親

初貶南巴至鄱陽題李嘉祐江亭 前人

南出巴人徼長江萬里隨不才甘謫去流水亦何之地遠

明君弃天高，酷吏欺青山。獨往路芳草，未歸時流落。還相見悲歡，話所思。猜讒傷蕙，愁暮向江離。淚盡看長劍，心閑寄集作釣絲。水雲初起重，暮鳥遠來遲。稚子能吳語，新文怨楚詞。憐君不得意，客集作鬢老南枝。

赴南中留集作褚少府湖上林亭 前人

種田東郭傍，春陂萬事一作緒。無情把釣絲，綠竹放侵行。逕裏集作斷，青山常對卷。簾時紛紛花發，落集作門空閉寂寂。鷺啼日更遲，從此別君千萬里。白雲流水憶佳期。

此詩二百八十七卷重出前已削去，注異同為一作。釋皎然

題沈道士新亭

何處好攀躋，新亭俯舊溪。坐中千里近，簷下四山低。小浦依林曲，回塘遶郭西。桃花春滿地，歸路莫相迷。

冬日遙和盧使君幼平綦母居士遊法華寺高

頂臨湖亭 前人

仁芳標絕境，廉守躡高蹤。天見纔分刹，風傳欲盡鍾。城中歸路遠，湖上碧山重。水照千花界，雲開七葉峯。寒空艾綬滿，晴翠白雲濃。逸韻知難繼，佳遊恨不逢。仍聞撫禪石，為我父從容。

春日陪顏使君真卿皇甫曾西亭重會韻海 諸生 前人

為重南臺客，朝朝會魯儒。暄風衆木變，清景片雲無。峯翠飄簷下，溪光照座隅。不將簪艾隔，知與道情俱。

夏日集裴錄事北亭避暑 前人

前林夏雨歇，為我生涼風。一室煩暑外，衆山清景中。忘歸親野水，適性許雲鴻。蕭散都曹吏，還將靜者同。

九日陪皇甫使君同泛江宴赤岸亭暢當

羈旅逢佳節追遊

雜詠作道進

忽見招同傾菊花酒緩棹木蘭

撓平楚堪愁思長江亦

雜詠作去

寂寥猿啼不離峽灘沸鎮如潮舉

目関山異傷心鄉國選徒言歡滿座誰覺客蒐銷

西亭子言懷

張謂

數般芳草在堂陰幾處閑花映竹林樹上立猿呼郡吏

白鳥應家禽青山看景知高下流水聞聲覺淺深官屬

不令拘禮數時時緩步一相尋

長安竇明府後亭

顧况

君爲長安令我羨長安政五日一朝天南山對明鏡鳥飛

青苔院水木相輝映客至南雲鄉絲桐展歌詠吏人何蕭

蕭終歲無喧競欲識明府賢邑中多百姓

秋題劉逸人林泉

釋靈一

涼颼亂黃葉逢客橘陰清蘿逕封行跡雲門閉野情零林

秋露響穿竹暮煙輕莫戀幽棲地懷君

疑作居或作安敗却名

題王班水亭

釋護國

湖上見秋色曠然如爾懷豈唯觀隴畝兼亦外形骸待月

歸山寺彈琴坐暝齋布衣閑自貴何用謁天階

謫居漢陽白沙口阻雨因題驛亭

鄭常

漢陽無近遠見說過汾

一作溢

城雲雨經春客江山幾日程終

友人山亭

敖遙

隨鷗鳥去祇待海潮生前路逢漁父多愁問姓名

故人從薄宦往往步青溪鑿牖對山月褰裳掃澗霓遊魚

逆水上宿鳥向風栖一見桃花發能令秦漢迷

張南史

背洫敞高明憑軒見野情頻回五馬跡更勝百花名海樹

凝煙遠湖田見鶴清雲光侵素壁水影蕩閑楹俗賴褰帷

人歡倒屣迎始能 結構獨有謝宣城

尋許山人亭子

奚賈

桃源若遠近漁子棹輕舟川路行難盡人家到漸幽山禽拂席起溪水入庭流君是何年隱如今成白頭

秋夜同暢當宿潭山一作西亭

盧綸

圓月出山頭七賢臨下遊稍稍林葉墮艷艷月波流鳧鵠共思曉菰蒲相與秋明當此中別一為望汀州

題苗員外竹間亭

前人

高甃絕行塵開簾似有春風傾竹上雪山對酒邊人步暖先逢日書空遠見隣還同內齋暇登賞及諸姻

春日灞亭同苗員外寄庾侍郎 前人

坐見春雲暮無因報所思川平人去遠日暖鴈飛遲對酒山長在看花鬢自衰誰堪登灞岸還作異鄉悲

題河中亭子 見三百十六卷

薛能

撫州西亭 見二百三十卷

戴叔倫

長沙北亭送梁副端歸京

前人

奏書歸闕下祖帳出湘東滿座他鄉別何年此會同藉芳憐岸草聞苗怨江風且莫乘流去心期在醉中

寄題秦隱居麗句亭

前人

北人歸欲盡獨自住蕭山閉戶不曾出詩名滿世間

題邵端公林亭

權德輿

春光何處足柱史有林塘鶯囀風初暖花開日欲長吠池通野集作舊水掃逕閱新芳更置盈樽酒時時醉楚狂

洛陽河亭奉酬留守羣公追送 李益

離亭餞落暉臘酒減征集作春衣歲晚煙霞重川寒雲樹微

戎裝千里至舊路十年歸還似汀洲鴈相逢又背飛

新安江亭

見二百九十三卷

章八元

登峴亭呈郎中

司空曙

一身放逐向荆蠻
平楚茫茫失路關
日登臨唯有淚
不知風景在何山

絕句詩選作峴山回首望秦關南向荆州幾日還

今

文苑英華卷第三百十五

登仕郎胡柯

鄉貢進士彭叔夏

校正

秋夜宿西亭臨下

集作稍稍集作稍稍

文苑英華卷第三百十六

詩一百六十六

居處六

亭六十九首

逍遙溪亭

王建

逍遙公在此徘徊
帝改溪名起石臺
車馬到春常借看
子孫因選暫歸來
稀疎野竹人移折
零落蕉花雨打開
無主青山何所直
賣供官稅不如灰

江亭寓目

盧拱

江郭帶林巒
津亭倚檻看水風
蒲葉戰沙雨
鷺鷥寒晚木
初彫柳秋叢
欲敗蘭哀猿
自相叫鄉淚
好無端

題楊侍郎新亭

劉商

毗陵過柱史簡
易在茅茨芳草
和花種修篁
帶笋移邈幽
人未賞簷靜
鷺初窺野客
憐霜壁青松
盡一枝

題賈巡官林亭

楊巨源

白鳥閑栖亭樹枝
綠罇仍對菊花籬
許詢本愛交禪侶
陳寔由來足好兒
明月出雲秋館思
遠泉經雨夜窻知
門前長者無虛轍
一片寒光動水池

盧十五竹亭送姪倂文粹作倂歸山

楊衡

落葉寒擁壁清霜
夜沾石正是憶山時
復送歸山客殷勤
一罇酒曉月當窻白

步出武陵東亭臨江寓望

劉禹錫

鷹至威風候霜餘
變林麓孤帆帶日來
寒江轉沙曲戍遙
旗影動津晚艣聲促
月上彩霞收漁歌遠
相續

劉駙馬水亭避暑

前人

千竿竹翠數蓮紅
水閣虛涼玉簟空
琥珀盞烘疑漏酒水
精簾螢更通風
賜冰滿椀沉朱實
法饌盈盤覆碧籠
盡日

逍遙却集作避

煩暑再三珍重主人翁

道州夏日郡內北橋新亭書懷贈何元二

處士

呂溫

結構池梁上登臨
日幾迴晴空交密葉
陰岸積蒼苔爽氣
中央滿清風四面來
振衣生羽翰高枕出
塵埃齊物魚何樂
忘機鳥不猜閑銷炎
晝靜集作畫選集作靜勝火雲開僻遠
宜孱性優游賴廢材
願為長泛梗莫作重
燃灰守道窮非過
先時動是灾寄言徐
孺子賓榻且徘徊

和李使君三郎早秋成北亭宴崔司士因寄閔

中和評事三字一作兄弟

前人

黃花古城路上盡
見青山桑柘晴川口
牛羊落照間野情
隨卷幔軍事隔重關
道合偏多賞官微獨
不閑鶴分琴爨罷書
到鴈應還為謝登龍
客瓊林一作枝寄一攀

此詩二百十五卷重出前已削去

雲溪西亭晚望

張籍

雲水碧悠悠西亭柳岸頭夕陰生遠岫斜照逐迴流此地
動歸思逢人方倦遊吳興耆舊盡空見白蘋州

題常郎中新亭

前人

起得幽亭景復新碧莎地上更無塵琴書著盡猶嫌少松
竹栽多不集作亦稱貧藥酒欲開期好客朝衣暫脫見閑身
成名同日官連署此處經過有幾人

東亭閑坐

白居易

東亭盡日坐誰伴寂寥身綠樹集作桂為佳客紅蕉當美人
笑言雖不接情狀似相親若不集作不悠悠想如何度晚春

松江亭携樂觀漁宴宿

前人

震澤平蕪岸松一作吳江落葉波在官常夢想為客始經過

水面排罾網船頭簇綺羅朝盤鱸紅鯉夜燭舞青蛾鴈斷
知風急湖平得集作見月多繁絃集作絲與促管不解和漁歌

題周皓一作浩大夫新亭

前人

東道常為主南亭列大集作別待實規摹何日創境集作景致一
時新廣砌羅紅藥高集作疎窓蔭綠筠鎖開賓閣晚集作曉梯

上妓樓春置醴寧三爵加籩過八珍茶香飄紫笋膾縷落
紅鱗輝赫車輿開珍寄鳥獸馴獼猴看極馬鸚鵡喚家人
錦額簾高捲銀花盞慢巡勸嘗光祿酒周兼光祿卿許看洛川

神周有家妓數十人斂翠凝歌黛流香動舞巾裙翻繡鸚鵡梳陷

鈿麒麟笛怨音含楚箏嬌語帶秦侍兒催畫燭醉客吐文

茵投轄多連曙集作夜鳴珂更達晨入朝紆紫綬待漏擁朱

輪貴介交三事光榮照四鄰甘濃將奉客穩暖不緣身十

載歌鍾地三朝節鉞臣愛才心個儻軒舊禮殷勤門以招

賢盛家因好事貧始知豪傑意富貴為交親

奉和李大夫題忘筌新亭

前人

翠巘公門對朱軒野逕連只開新戶牖不改舊風煙虛室
閑生白高情淡入玄酒容同坐勸詩借屬城傳自笑滄江
畔遙思絳帳前亭臺隨處一作事有爭敢比忘筌

題嚴氏竹亭

戎昱

子陵栖遁處堪繫野人心溪水浸山影嵐煙向竹陰忘機
看白日留客醉瑤琴愛此多詩興歸來步步吟

題湖亭

詩選作移家
別湖上亭

前人

好是春風湖上亭柳條藤蔓繫離情黃鸝久住渾相識欲
別頻啼三一作四五聲

流盃亭

李德裕

激水自山椒折波分淺瀨迴環疑古篆詰曲如縈帶寧想

羽觴逢唯貪一作歡

一作歡

親交會欲知中聖處皎月臨松蓋

早秋龍興寺江亭閑眺憶龍門山居寄崔張舊
從事 前人

江亭感秋至蘭逕悲露泫秔稻秀晚川杉松蔚集作鬱晴巘

嗟余有林壑茲夕念繁集作原

集作原

衍綠竹

集作篠

連嶺多青莎近

溪淺淵明菊猶在仲蔚蒿莫剪喬木粲陵霄集作啓陰崖積

幽蘚遙思伊川水北渡龍門峴蒼翠雙闕間逶迤清溪一作灘
轉故人在鄉國歲晏路悠緬惆悵此生涯無由共登踐

江亭晚望

賈島

浩渺浸雲根烟嵐沒遠村鳥歸沙有跡仇過浪無痕望水
知柔性看山欲倦嵬縱情猶未已迴馬欲黃昏

宿杜司空東亭

前人

牀頭枕是溪中石井底泉通竹下池宿客未眠當半夜獨

聞山雨到來時

登田中丞高亭

前人

亭高林表廻嵯峨，獨坐秋宵不寐多。集作玉兔玉人歌裏出，白雲雖白集作莫相過。集作

寄和蔡州中丞一作寄蔡州田郎中題蔣亭 釋無可

遺跡仍一作遺留蔡幽人出漢一作漢朝，門深荒徑在臺迴。數峯遙岸石歌相倚，對窓松偃未凋尋。思方一去豈待使君招。

題崔駙馬林亭

前人

宮花野藥半相和，藤蔓參差惜不科。纖草連門留徑細，高樓出樹見山多。洞中避暑青苔滿，池上吟詩白鳥過。更買太湖千片石，疊成雲頂綠崖峩。

宿宣義亭子

劉得仁

暮色遶高亭，南山出竹青。夜深斜舫月，風定一池星。島嶼無人跡，菰蒲有鶴翎。此中休便可，何必泛滄溟。

冬日駱家亭子

前人

亭臺臘月時，松竹見貞姿。林積煙藏日，風吹水合池。恨無人此住，靜有鶴相窺。是景與秋景，吟詩亦各宜。

題何氏池亭

周賀

信是虛閑地，亭高亦有苔。遶池逢石坐，穿竹到山迴。果落纖萍散，龜行細草開。主人偏好事，終不厭頻來。

題袁處士高亭

杜牧

水接西江集作西江天外聲，小齋松影拂雲平。何人教我吹長笛，與倚秋風弄月明。

題池州貴池亭

前人

勢比陵猷宋武臺，分明百里遠帆開。蜀江雪浪西江起，集作強半春風去却來。

與張處士同題

集作訪

李隱居林亭

集作不遇

許渾

千巖萬壑獨携琴知在陵

集作龍

陽不可尋去轍已平秋草

一作色變

遍空齋長掩暮雲深霜肥橡栗留

集作霜快

巖

山鼠月

冷菰蒲散

一作水禽唯有西鄰林

張仲蔚坐來同愴別

離心 此詩三百十七卷重出今已削去注異同為一作

題陸侍御林亭

前人

野水通池石疊臺五營無事隱雄材松齋下馬書千卷蘭
舸逢人酒一杯寒樹雪晴紅艷吐遠山雲曉翠光來定知

別後無多日海柳江花次第開

同孫盧二仙侶遊樊明府林亭

集作湘南徐明府余之南隣父

前人

湘南官罷 不歸來高閣經年掩綠苔魚溢池塘秋雨

過鳥環 洲島暮潮迴 堦前石穩碁終局窓外山

寒

集作高

酒滿盃借問先生獨

集作在

何處一遠

籬踈菊又花開

秋晴獨立南亭

楊發

晝對南峯獨閉閣暗期幽鳥去仍還如今有待終身貴未

若忘機盡日閑心似蒙莊遊物象 外官慙許掾在人間

開襟自向清風笑無限秋光為解顏

宿晉昌亭聞驚禽

李商隱

羈緒鰥鰥夜景侵高窓不掩見驚禽行 來曲渚烟方

合過盡南塘樹更深湖馬嘶和榆塞笛楚猿吟雜橘村砧

失羣掛木知何限遠隔天涯共此心

秦和祕監從翁夏日陝州河亭晚望 姚鵠

洪河何處望一境在孤煙極野如監日長波似鏡年卷簾

花影裏倚檻鶴巢邊霞焰侵旌旆灘聲雜管弦鍾微來疊

岫帆遠落遙天過客多相訪 應疑會水仙

和徐薰先輩秋日遊涇州南亭呈三三同年前人

多少歡情泛鷁舟
桂枝同折塞同遊
聲喧島上巢松鶴
影落盃中過水鷗
送日暮鍾交戌嶺
叫雲寒角動城樓
酒酣笑話秋風裏
誰道槐花更起愁

偶題林亭

集作題友入池亭

温庭筠

月榭風亭繞曲池
粉墻集作垣迴互瓦參差
侵簷片白搖翻影
落鏡愁紅寫倒枝
鸚鵡刷毛花蕩漾
鷺鷥拳足雪離披
山翁醉後如相憶
羽扇清罇我自知

題懷真亭舊遊

集作准公池亭

前人

皎鏡方塘菡萏秋
此來重見採蓮舟
誰能不遂集作逐當年樂
還恐添為異日愁
紅艷花影集作影多風嫋嫋碧空雲
斷水悠悠簷前依舊
青山色盡日無人
獨上樓

陪河中節度使遊河亭

前人

倚欄愁立獨徘徊
欲賦慙非宋玉才
滿坐山光搖劍戟
遶城波色動樓臺
鳥飛天外斜陽盡
人過橋心倒影來
添得五湖多少恨
柳花飄蕩似寒梅

題樟亭

張祐

見集本

曉霽憑虛檻雲山四望通
地盤江岸絕天映海門空
樹色連秋靄潮聲入夜風
年年此光景催盡白頭翁

題昭應王明府溪亭

趙嘏

靖節何須彭澤逢
菊洲松島水悠悠
溶行人自折門前柳
高鳥不離溪畔峯
曉渭度簷帆的的晚
原含雨樹重重軒車
過盡無公事枕上一聲
長樂鍾

南亭

前人

孤亭影出亂花中
悵望無人此醉同
聽盡暮鍾猶獨坐
水邊襟袖起春風

許州德星亭

薛能

漢水南流東有堤，邊亭是武陵溪。槎松配石堪僧坐，藥杏含香欲鳥啼。高處月生滄海外，遠郊山在夕陽西。頻來不似軍從事，只戴紗巾只杖藜。

題河中亭子

前人

河擘雙流島在中，島中亭上正南空。蒲根舊浸臨關道，沙色遙飛傍苑風。晴見樹卑知岳大，晚聞車亂覺橋通。無窮勝事應須宿，霜白蒹葭月在東。

此詩三百十五卷重出前已削去

旅次洋州寓居郝氏林亭

方干

舉目縱然非我有，思量似在故山時。鶴盤遠勢投孤嶼，蟬曳殘聲過別枝。涼月照牕_{集作林}歌枕倦，澄泉遶石泛觴遲。青雲未得平行去，夢到江頭身在茲。_{集作江南身旅}

書吳道隱林亭

前人

蘚榭莎亭蘿蔭陰，依稀氣象似山林。橘枝亞樹香_{集作路黃}苞重，井脉牽湖碧甃深。稚子遮門留熟客，驚蟬入葉避遊禽。四隣不見孤高事，_{集作處}翻笑騰騰只醉吟。

題睦州呂郎中郡內_{集作中}環溪亭 前人

為是仙才登望處，風光便似武陵春。開花半落猶邀_{集作迷}蝶，白鳥雙飛不避人。樹影與餘侵枕簟，荷香坐爇着衣巾。暫來此地非多日，明主那容借寇恂。

題越州南郭袁秀才林亭

前人

清邃林亭指畫開，幽巖別派像天台。坐牽蕉葉題詩語，_{集作句}醉觸松_{集作藤}花落酒杯。白鳥不歸山裏去，紅鱗多自鏡中來。終年此地為吟伴，_{集作倡}早起尋君薄暮迴。

湘陰江亭寄友人

李羣玉

湘岸初晴淑景遲
風光正是客愁時
幽花暮集作夜落騷人
水芳草春深帝子祠
往事隔年如過夢
舊遊回首謾勞集作
思煙波自此扁舟去
酌酒聯文香未期

秋宿潤州劉處士江亭

李洞

北夢風吹斷江邊
處士亭吟生萬井
月看集作見盡一天星浪
靜魚衝石一作鎖
窻高鶴聽經東南
渺集作查無畔世界半滄溟

苑中題友人林亭

李頻

林邑藏巖洞幽栖
趣若何春篁蕪笋密
夏鳥雜雛多坐有
清風起林無暑氣
過亂書還就葉真
飲不聽歌片景明
紅蘚斜陰映綠蘿
雄文終不惜莫更
棄高科

題耿處士林亭

喻坦之

身向閑中老生涯
本路然草堂山木
下漁艇鳥花邊窺
井猿蕪鹿啼林鳥
雜蟬何時人事了
依此亦高眠

題賈氏林泉

聶夷中

市朝束名利林泉
繫清通豈知黃塵
內迴有白雲蹤輕
流逗密篠直榦入
寬空高吟五君詠
疑對九華峯我知
種竹心欲扇清冷
風我知決泉意將
明濟物功有琴不
張絃衆星列梧桐
須知澹泊聽聲在
無聲中地非樵者
路武陵又何逢祇
慮迷所歸池上日
西東

水軒

鄭谷

日日狎沙禽偷安
且放吟讀書老不
入愛酒病還深亂
後為羈集作飢客兵
餘問故林楊花滿
床席搔首度春陰

望湘亭

前人

湘水似伊水湘人
非故人登臨獨何
語風柳自搖春

七松亭

張喬

七松亭上望秦川
高鳥閑雲滿目前
已比子真耕一作樓谷口

豈同陶令卧江邊
臨崖把卷驚迴燒
掃石留僧聽遠泉
明月影中宮漏近
珮聲應宿使朝天

題圭峯下長孫家林亭

韓琮

趙園林亭二百年
綠苔如毯葛如煙
閑期竹色搖霜看
醉惜松聲枕月眠
出樹圭峯寒壓坐
入籬沙瀨碧流天
明知富貴非身物
莫爲金章墮此仙

和容南常中丞題瑞亭瑞即白鷺白鼠六眸龜

嘉蓮

陳陶

伏波恩信動南夷
交趾喧傳四瑞詩
鷺鼠孕靈褒上德
龜蓮增耀答無迥
翔雪侶窺簷處照
映紅巢出水時
盡寫流傳一作在軒檻
嘉祥從此百年一作知

夏晚望嵩亭有懷

羅鄴

正憐雲水與心違
湖上亭高對翠微
盡日不妨憑檻望
終

年未必有家歸
青蟬漸傍幽叢噪
白鳥時穿返照飛
此地又愁無計住
一竿何處是因依

題蔣山

前人

西風才起一蟬鳴
便管關河馬上程
碧浪鷓舟從此別
丹青霄鵠箭忽無成
二年芳思隨雲雨
幾日離歌望一作旆旌
迴首橫碧更東望
露荷煙菊倍傷情

題水簾亭

前人

亂泉飛下翠屏中
名共真珠巧綴同
一片長垂今與古
半山遙聽雨兼風
雖無舒卷隨人意
自有潺湲濟物功
每向暑天來往見
疑將仙子隔房櫳

偶題離亭

前人

萬般名利不關身
况待山平海變塵
五月波濤爭下峽
滿堂金玉爲何人
謾誇浮世青雲貴
未盡離杯白髮新
誰似

雨蓬底客渚花汀鳥自相親

江亭別裴饒

羅隱

行杯且待怨歌終多病憐君事事同
衰鬢別來光景裏故鄉歸去亂離中
乾坤墊列三分在井邑摧殘一半空
日晚長亭問西使不堪車駕尚萍蓬

閔亭春望

前人

閔畔春雲拂馬頭馬前春事共悠悠
風欺岸柳長條困露澗山花小朵愁
信越功名高似狗裴王氣力大於牛
未知至竟將何用渭水涇泥一作川一向流

于越亭

前人

楚水蕭蕭多病身強凭危檻過殘春
高城自有陵蕪谷流水那知越與秦
岸下藤蘿陰作恠橋邊蛟蜃夜欺人
琵琶洲遠江村闊回首征途一作帆淚滿巾

李郎中林亭

曹松

祇向砌邊流野水樽前上下看魚兒
笋蹊已長過人竹藤徑從添拂面絲
若許白猿垂近戶即無紅果壓低枝
大才必擬逍遙去更遣何人佐盛時

漢南郵亭

裴說

高閣水風清開門日送迎帆張獨鳥起
樂奏大魚驚驟雨拖山過微雲拂面生
閑吟雖得句留此謝多情

蒲津河亭

唐彥謙

宿雨清秋霽景澄廣亭高樹更晨興
煙橫博望乘槎水日上文王避雨陵
孤棹夷悠期獨往曲欄愁絕悔長凭
思鄉懷古人傷別此際哀吟幾不勝

東亭茶宴

女郎鮑君徽

閑朝向曉出簾櫳茗宴東亭四望通
遠眺城池山色裏俯

聆絃管水聲中
幽篁引沼新
抽翠芳權低
簷欲吐紅坐
此中無限興
更憐團扇起清風

文苑英華卷第三百十六

宿杜司空

又玄集作戶

東亭當半夜

當又玄集作過

宿宣義亭子

又玄集宣義里

池作宿

高亭

集作相亭

便可

集作便得

南亭影出

絕句詩選作影在

東亭茶宴向曉

又玄集作向晚

東亭

集作高亭

引沼

集作映沼

文苑英華卷第三百十七

詩一百六十七

居處七

園齋八十五首

遊後園

梁元帝

暮春多淑氣
斜景落高春
日照池光淺
雲歸山望濃
入林迷曲徑
渡渚隔危峯

晚景遊後園

同前

高軒聊騁望
煥景入川梁
波搖山度影
雨罷葉生光
日移花色異
風散水文長

山齋

庾信

寂寥尋靜室
蒙密就山齋
滴瀝泉遶
路穿隆石卧
塔淺槎全不動
盤根唯半埋
殘珠墜曉菊
細火落空槐
直置風雲慘
彌憐心事乖

同前

徐陵

桃源驚往客鶴嶠斷來賓復有風雲處蕭條無俗人寒山
微有雪石露本無塵竹徑蒙籠巧茅蕭結構新燒香披道
記懸鏡殿山神砌水何年溜簷桐幾度春雲霞一已絕寧
辨漢將秦

敬酬楊僕射山齋獨坐

薛道衡

相望山河近相思朝夕勞龍門竹箭急華岳蓮花高岳高
嶂重疊鳥道風煙接遙原樹若蕭遠水舟如葉葉舟旦旦
浮驚波夜流露寒洲渚白月冷函閨秋秋夜清風發彈
琴即鑑月雖非莊舄歌吟詠常思越

重酬楊僕射山齋

前人

寂寂無與晤朝端去惣戎空庭眇步月閑坐獨臨風臨風
時太息步月山泉側朝朝散霞彩暮暮澄秋色秋色遍阜

蘭霞彩落雲端吹旌朔氣冷照劍日光寒光寒塞草平氣
冷咽笳聲將軍獻凱入藹藹風雲生

郊園即事

王勃

煙霞春旦賞松竹故年心斷山疑畫障懸溜瀉鳴琴草遍
南亭合花濃北院深閑居饒酒賦隨興欲抽簪

冬日過故

一作

人在處士書齋

駱賓王

神交尚投漆虛室罷遊蘭網結集作窓文亂苔深履跡殘
雪明書帳冷冰靜墨池寒獨此琴臺夜集作流水為誰彈

此詩三百七卷重出前已削去

南山家園林木交映盛夏五月幽然清涼獨坐

思遠率成十韻

陳子昂

寂寥守窮巷幽獨坐集作空林松竹生虛白階庭橫集作
古今鬱蒸炎夏晚涼宇閔清陰軒窓交紫靄簾集作戶對

蒼岑鳳蘊仙人籙鸞歌素女琴忘機委人代閉牖察天心
蛺蝶憐紅藥蜻蜓愛碧淨坐觀萬像化方見百年侵擾擾
將何息青青長苦吟願隨白雲駕龍鶴相招尋

田假限疾不獲還莊載想田園兼思親友率成

短韻用寫長懷贈林一作幽素兄見二百四十九卷李嶠

郡宅中齋

宋之問

郡室枕層嶺春湖遶芳甸雲薨出萬家卧覽皆已遍漁商
汗成雨靡邑明若練越俗鏡中行夏祠雲表見茲都信盤
鬱英遠常棲眇王子事黃老獨樂恣遊衍謝公念蒼生同
憂感推薦靈越多秀士運闊無由面神理翳青山風流滿
黃卷揆余謬成疑獎自昔從纓弁瑤水執仙羈金閨負時選
晨趨博望苑夜直明光殿一朝罷臺閣萬里違鄉縣風土
足慰心况悅年芳變淮廩佇茲實沂歌非所羨訟寢歸四

明齡類親九轉微尚本江海少留豈交戰唯餘後凋色竊
比東南箭

同李員外春園

崔湜

落日啼連夜孤燈坐徹明捲簾雙鷺入披恍百花驚隴水
寒應晚閨中織未成管絃愁不意一作粧梳懶無情去歲
聞西伐今年送北征容顏離別盡流恨滿長城

崔禮部園亭得深字

張說

窈窕留清館虛徐步晚陰水連伊闕近雲集作接夏關集作
深柳蔓憐垂拂藤苗愛上尋訝君軒盖偶集作非復俗
人心

小園納涼即事

蘇頌

煩暑避蒸鬱歸閑習高明長風自遠來層閣有餘清散灑納
涼氣蕭條遺世情奈何誇大隱終日繫塵纓

先是新昌小園待獻歲羣物 期京兆尹一訪
兼郎官數子自頃沉痾年復 寒食茲願不果
率然成章 前人

獨好中林隱先期上月春閑花傍戶落喧鳥逼簷馴寂寞
東坡叟傳呼北里人在山琴易調開甕酒歸醇佇望應三
接彌留忽幾旬不疑丹火變空恠綠條新闔蟻聞常日歌
龍值此辰其如衆君子嘉會阻清塵

晨坐齋中偶而成詠

張九齡

寒露潔秋空遙山紛在矚孤頂乍修聳微雲復相續人茲
賞地偏鳥亦愛林旭結念憑幽遠撫躬曷羈束昂集作仰霄
謝逸幹集作翰臨路嗟疲足徂歲方睽携歸心亟躑躅休閑
儻有素豈負南山曲

郡內閑齋

前人

賓集作郡閣畫常掩庭蕪日復滋簾集作簷風落烏毛毳窓葉掛
蟲絲拙疾集作病官情少機集作羈閑秋氣悲理人無異績爲
郡但經時唯有江湖意沉冥獨集作空在茲

郡舍南有園畦雜樹聊以永日 前人

爲郡久無補越鄉空復深苟能秉素節安用叨華簪却步
園畦裏追吾野逸心形骸拘俗吏光景賴閑林內訟誠知
止外言猶匪忱成蹊謝李逕衛足感葵陰榮達豈不幸集作
孤心一作生非所任江城何寂歷秋樹亦蕭森下有北流水
上有南飛禽我願從歸翼無然空自一作自在沉

春園即事

王維 見集本

宿雨乘輕履春寒著弊袍開畦分白水間柳發紅桃草際
成碁局林端舉桔槔還持鹿皮几日暮隱蓬蒿

春中田園

前人

屋上春鳩鳴村邊杏花白持斧伐遠楊荷鋤覘泉脉歸燕
識舊巢舊人看新曆臨觴忽不御惆悵思遠集作客

題梧州陳司馬山齋

孟浩然

南國無霜霰連年對物華青林暗換葉紅蕖欲開花春去
無山鳥秋來見海槎流芳雖可悅會自泣長沙

題張逸人園廬

前人

與君園廬並微尚頗亦同耕釣方自逸壺觴趣不空門無
俗士駕人有上皇風何必先賢傳唯稱龐德公

家園夜坐寄郎微

祖詠

前堦微雨歇開戶散窺林月出夜方淺水涼池更深餘風
生竹樹清露薄衣襟遇一作物遂遙歎懷人滋遠心依稀
成夢想影響絕微音誰念窮居者明時嗟陸沉

巴陵劉處士東齋作

王昌齡

劉生隱岳陽心遠洞庭水偃帆入山郭一宿楚江裏竹映
秋館深月寒江風起煙波桂陽接日夕數千里孌孌清夜
猿孤舟坐如此湘中有來鴈雨雪候音音

同姜濬題裴式微餘干東齋

劉長卿

世事終成夢生涯欲半過白雲心已矣滄海意如何藜杖
全吾道榴花養太和春風騎馬醉江月釣魚歌散帙看蟲
蠹開門見雀羅遠山終日在芳草傍人多吏體莊生傲方
言楚俗訛屈平君莫弔腸斷洞庭波

題大理黃主簿湖上高齋

前人

閉門湖水畔自與白鷗親竟日窓中岫終年林下人俗輕
儒服弊家嚴法官貧多雨茅簷故空洲草徑春桃源君莫
愛且作漢朝臣

田園觀雨兼晴後作

孟雲卿

貧賤少情欲借荒種南陂我非老農圃安得良土宜秋成
不廉儉歲餘多餒飢顧視倉廩間有糧不成炊晨登南園
土疑莫歇清蟬悲早苗既芄芄晚田尚離離五行孰堪廢
萬物當及時賢哉數夫子開翅慎勿遲

題從弟制疑官竹齋

張謂

美爾方為吏衙門獨晏如野狐偷紙筆山鳥汙圖書竹裏
藏公事花間隱使車不妨垂釣坐時鱸少江漁

春題劉相公山齋

時相公初除太子賓客

錢起

能以功成踈寵位不將心賞負雲霞林間客散孫弘閣城

一作上山宜綺季家蝴蝶晴憐池岸葉黃鸝曉出柳園花

集作仙蝶成羣爭逐日陪鯉也趨文苑誰道門生隔絳紗

題石集作暮過

春龜谷温處士園林

前篇作送温逸人見二百三十一

二卷

前人

隱几前篇作

田園

前篇作

関心

前篇作

曬藥

前篇作

支頤前篇作

勅和元相公家園即事寄王相公

韓翃

共列中台貴能齊物外心迴車青閣晚解帶碧芳深寒水
隨畦入晴花度竹尋題詩更相應一字重千金

題張逸人園林

前人

藏頭不復見時人愛此雲山奉養真露色點衣孤嶼月一作

花枝妨帽小園春一作時一作携幼稚諸峯上閑濯鬢眉一水

濱興罷歸來還對酌茅簷掛著紫荷巾

題裴固新園

又玄集作裴固

皇甫冉

東郭訪先生西郊尋舊路文為江南客自有雲陽樹已得
閑園心不知公府步開門白日晚倚杖青山暮果熟任霜
封籬踈從水渡窮年無牽綴往事惜淪誤唯見獨一作耦耕

入朝朝自來去

舊路又玄集作隱路

題李沆園林

盧綸

古巷牛羊出重門接柳陰閑看入竹路自有向山心種藥
齊幽石耕田到遠林願同詞賦客得與一作謝家深

同耿拾遺春中題第五四郎新修書院前入

得接西園會多一作昔因野性同引藤連樹影移栢間花叢

學就晨昏外歡生禮樂中春遊隨墨客夜宿伴潛公散帙

燈驚燕開簾月帶風朝朝在門下自與五侯通移栢集作移石

春日同諸公過兵部王尚書林園 權德輿

休沐君相近時容曳履過花間留客文臺上見春多松色

明金艾鶯聲雜玉珂更逢新酒熟相與藉庭莎

春日山齋 釋靈一

野逕東風起山扉度日開晴光拆紅萼流水長青苔逋客

殊未去芳時已再來非關戀春草自是欲徘徊

程評事西園之作 釋法震

誰向春鶯道名園已共知簷前迴水影城上出花枝搖拂

煙雲動登臨翰墨隨相招能不厭山舍為君移

題鄭容江畔桐齋鄭生好琴性連慕寡欲 釋皎然

客齋開別住坐占綠江瀆流水非外物閑雲長屬君浮

榮未可累曠達若為羣風起高桐下清絃日日聞

和翰林吳舍人兄弟西齋 顧況

君家誠易知復難同新裁尺一詔早入明光宮西齋何其

遠一作高上與星漢通永懷洞庭石春色相玲瓏又懷巴峽

泉夜落君絲桐信是怡神所迢迢茂華嵩鳥飛晴雲

滅疊嶂盤虛空君家誠易知易知意難窮

安邑王校書書房 耿緯

秋來池館清夜聞宮漏聲迢遞玉山迴泛灩銀河傾琴上
松風至窓裏竹煙生多君不家食孰云事巖耕

題孝一作李廉書房

前人

商瞿長易教一室向青山業就三編絕心通萬像閑
春木上草遍暮陽間莫道符籙在來時棄故關

題鮮于秋園林

集作鮮于秋園

夕陽

集作傷春司空曙

雨後園林好幽行迴一作白野通遠山芳草外流水落花中
客醉悠悠慣鶯啼處處同夕陽自一望日暮杜陵東

秋園戲題

前人

傷秋不是惜年華別憶春風碧玉家強向衰叢見芳意
萋萋紅實似繁花

題崔端公園林

李端

上士愛清輝開門向翠微抱琴看鶴去枕石待雲歸
野坐

苔生席高眠竹掛依舊山東望遠惆悵暮花飛

南園

韋應物

清露夏天曉荒園野氣通水禽遙泛雪池蓮迴披紅
詎知暑環舟似不窮頌酒塵喧意長嘯滿襟風

題沈八齋

暢當

江齋一入何亭亭因寄淪連心杳冥綠綺琴彈白雪引
絲絳勒黃庭經

春日過

前人

帝里陽和日一作早遊人到御園暖催新景氣春認舊
蘭蓀詠德先臣沒成蹊大樹存見桐猶近井看柳尚依
門獻地非更宅遺忠求奉恩又期攀桂後來賞百花繁

早秋過龍武李將軍書齋

王建

高樹蟬聲秋巷裏朱門冷靜似閑居重裝墨畫數莖竹長

着香薰一架書語笑侍兒知禮數吟哦野客任狂踈就中
愛讀英雄傳欲立功勳恐不如

和元負外題昇平里新齋

楊巨源

因知休沐諳幽勝遂肯高齋枕廣衢舊地已開青玉圍春
山仍展綠雲圖心源邀得閑詩證肺氣宜將慢酒扶此外
唯應任真宰同塵最是道門樞

題表丈二大夫書齋

復覽文集

前人

盛府自蓮花羣公事歲華蘭蓂丈人圃松色大夫家素卷
堆瑤席朱絃映絳紗詩題三百首高韻照春霞

春園即事

陳羽

水隔羣物外花一作深風起頻霜中千樹橘月下五湖人
聽鶴忽忘寢見山如得隣明年還到此共看洞庭春

過張老村園

于鵠

身老無修飾頭巾用白紗開門朝掃逕輦水夜澆花藥氣
聞深巷桐陰到數家不愁還酒債膏下有丹砂

南溪書院

楊發

茅屋住來久山深不置門草生垂井口花發接一作籬根
入院將鷓鴣鳥攀蘿抱子猿曾逢異人說風景似桃源

春園醉醒閑卧小齋

前人

酣醉送餘春醒來恨更頻花殘風蠹物葉暗鳥欺人簾閉
高眠貴齋空浩氣新從今北窓蝶長是夢中身

小園秋興

一作晚

前人

誰言帝城裏獨作野人居石磴晴看壘一作山苗晚自鋤
猶慙五秉粟尚癖一車書昔日楊雄宅還無卿相輿

題從叔園林

呂溫

阮宅閑園暮窓中見樹陰樵歌依野草僧語過長林鳥下
花間井人彈竹裏琴自嫌身未老已有住山心

道州夏日早訪苗參軍林園敬酬見贈 前人

高眠日出始開門竹徑傍通到後園陶亮橫琴空有意任
棠置水竟無言松窓宿翠含風薄槿援朝花帶露繁山郡
本來車馬少更容相訪莫辭喧

和李僕射西園 張籍

過午歸閑處西亭敞四簷高眠着琴枕散帙檢書簽即在
休通客山晴好卷簾竹涼蠅到少藤暗蝶爭潛曉一作晚鵲
頻驚喜踈蟬不許拈石苔生紫點欄藥吐紅尖虛坐詩情
遠幽探道侶蕪所營當勝地雖儉復誰嫌

松齋偶興 白居易

置心思慮外滅跡是非間約俸為生計隨官換往還耳煩

聞曉鼓眼醒見秋山賴此松簷下朝迴半日閑

郡中西園 前人

閑園多芳草春夏常集作香靡靡深樹足住禽旦暮鳴不已
院門閉松竹庭徑穿蘭芷愛彼池上橋獨來聊徙倚魚依
藻長樂鷗見人暫起有時舟隨風盡日蓮照水誰知郡府
內景物閑如此始悟喧靜緣何嘗繫遠適

題崔集作鄭駙馬園林集作林亭 姚合

東園連宅起勝事與心期幽動自生藥新篁迸入池密林
行不盡芳草坐難移石翠疑無價集作寶鶯歌似有詞莎臺
高出樹蘚壁靜題詩我獨多來此九衢人不知

西園 許渾

西園春日一作欲盡芳草徑難分靜語唯幽鳥閑眠獨使君
密林生雨氣古石帶苔文雖去清朝遠朝朝見白雲

山齋秋晚

前人

殘月皓烟露一作霧掩門深竹齋草蟲鳴曲檻山鳥下空階
清鏡曉看髮素琴秋寄懷因知此窓客日與世情乖

題裴處士園林

集作題鄉處士居

前人

桑柘滿江村西齋接集作對海門浪衝高岸響潮入小池渾
巖樹蔭碁局山花落酒罇相逢每集作歡留宿還似識王孫

同張處士題李隱居園林

見三百十卷前人

荒齋

賈島

草合徑微微終南對掩扉晚涼疎雨絕初曉遠蟬集作稀
落葉無青地閑身着白衣朴愚由本性不是學忘機

題虢州三堂吳郎中

前人

無窮草樹昔誰栽新起臨湖白石臺半岸泥沙孤鶴立三
堂風雨四門開荷翻園一作園露驚秋近柳轉斜陽過水來

作夜北樓堪朗詠號城初鎖月徘徊

田將軍書院

前人

滿庭花木半新栽石自平湖遠岸來笋迸隣家還長竹地
經山雨幾層苔井當深夜泉微上閣入高秋戶盡開行背

曲江誰到此琴書鎖著未朝廻

齋中

前人

耽靜非偽集作謬為本性實疎索齋中一就枕不覺白日落
低扉礙軒轡寡德謝接諾藜菊在墻陰秋窮未聞萼所食
集作食類病馬動影似移岳欲駐迫逃衰豈殊辭綆縛已見
飽時雨應豐蔬與藥

題從伯舍人道正里南園

劉得仁

帝里餘新第朱門面碧岑曙堂增爽氣喬木動清陰直去
親瑤陛朝迴在竹林風流才子調好尚古人心薜荔遮窓

暗莓苔近井深禮無青草一作隔詩有一作白衣吟軒靜
留孤鶴庭虛到遠砧掩關栽鳳詔開鏡理瓊簪種植今如
此塵埃求不侵雲奔投刺者日日待爲霖

初夏題段郎中修竹里南園

前人

高人遊息處此與曲池連密樹纔春後深山在目前遠峯
初絕雨片石欲生煙數有僧來宿應緣靜好禪

西園

前人

夏圃秋晚一作涼入樹低逢憤歌水聲翻敗堰山翠濕踈籬
綠滑莎藏徑紅連一作果壓枝幽人更何事旦夕與僧期

錢塘青山題李隱居西齋

李郢

小隱西亭爲客開翠蘿深處遍青苔林間掃石安碁局巖
下分泉遞酒盃蘭葉露光秋月上蘆花風起夜潮來湖山
遶屋猶嫌淺欲棹漁舟近釣臺

園居

前人

暮雨揚雄宅秋風向秀園不聞砧杵動時看桔槔翻釣下魚
初食船移鴨暫喧橘寒才弄色須帶一作早霜繁

春晚東園曉思

薛逢

劍外春餘日更長東園留醉樂高張松杉露滴無情淚桃
杏風飄不語香鶯戀葉深啼綠樹燕窺巢穩坐彫梁也知
留滯年華晚爭那樽前樂未央

宿秦生山齋

見二百十七卷

温庭筠

扶持山州避難冬夜二三禪侶吟茅齋李洞
四海通禪客搜吟葉擁高撼鬣孤燭白閉目亂山青壁掛
敲水杖爐温注月瓶獨愁衙舊旆笏冷立殘星

花園即事呈常中丞

集作
侍郎

趙嘏

煙暖池塘柳覆臺百花園裏看花來燒衣煖席三千樹破

鼻醒愁一萬盃不肯為歌隨拍落却令因舞帶香迴山公
仰爾延賓客好傍春風次第開延賓集作留賓春風集作春城

南園

前人

雨過郊原綠尚微落花惆悵滿塵衣芳罇有酒無人共日
暮看山還獨歸

郊園

鄭谷

相近復相尋山僧與水禽蓑衣集作煙蓑春釣靜雪屋夜碁深
雅道誰開口時風未醒集作省集作心恩碁集作尤何以報祇有醉
和吟

題友人林齋

張喬

喬木帶源凝作涼蟬來吟暑雨天不離高枕上似宿遠山邊
簾冷窓中月茶香竹裏泉煙一作吾廬近溪鳥憶別動經年

和崔監丞春遊鄭僕射東園

張蠟

春興隨花盡東園自養閑不離三畝地似出萬重山白鳥
穿蘿去清泉抵石還豈同秦代客無位隱南山

次韻和友人冬日書齋

前人

四季多花木窮冬亦不凋薄冰一作雲行處斷殘火睡來消
象版簽書帙蠻藤絡一作落酒瓢公卿有知己時得一相招

南園題

羅隱

搏擊路終迷南園且灌畦敢言逃俗態自是樂幽栖葉長
春松闥科圓早薜齊雨沾虛檻冷雪壓遠山低竹好還成
徑挑天亦有蹊小窓奔野馬閑鷹養醯雞水石心逾切煙
霄分已睽病憐王猛畚愚笑隗囂泥澤圃潮平岸江村柳
覆堤到頭乘興是誰手好提携

文苑英華卷第三百十七

登仕郎胡 柯 鄉貢進士彭 叔夏 校正

文苑英華卷第三百十八

居處八

別業五十七首

別業

南溪別業

村墅十一首

蔣列

緝字依青嶂開軒對綠疇樹交花兩色溪合水重流竹徑
風來掃蘭罇夜不收逍遙自得意鼓腹醉中遊

題袁氏別業

賀知章

主人不相識偶坐為林泉莫謾愁酌酒囊中自有錢

酬虞部蘇員外過藍田別業不見留之作 王維

貧居依谷口喬木帶荒村石路枉迴駕山家誰候門漁舟
膠凍浦獵火燒集作寒原唯有白雲外踈鍾聞夜猿

終南山別業 見二百五十卷

前人

輞川別業

前人

不到東山向一年歸來纔及種春田雨中草色綠堪染水

上桃花紅欲燃優樓比丘見法華經序品中經論學偃僂丈人鄉里

賢披衣倒屣且相見相歡語笑衡門前

晦日遊大理韋鄉城南別業

四聲文用各六韻

前人

與世澹無事自然江海人側聞塵外遊解舟集作駝切朱輪

極集作平野照暄景上天垂春雲張組竟北阜泛舟過東鄰

故鄉信高會牢禮及家臣集作佳辰幸同擊壤樂心荷堯為君

二

郊居杜陵下永日同携手集作仁人里謁川陽平原見峯首園

廬鳴春鳩林薄媚新柳上卿始登席故老前為壽臨當送

集作遊南陂約略執盃酒歸轍集作歸轍微官惆悵心自咎

三

冬中餘雪在壚上春流駛風日暢懷抱山川多秀集作好天氣

彫胡先晨炊庖膾亦後至高情浪海嶽浮生寄天地君子

外簪纓埃塵良不啻所樂衡門中陶然忘其貴

四

高館臨澄波曠然蕩心目澹淡動雲天玲瓏映壚曲鵲巢

結空林雉雊響幽谷應接無閑暇徘徊似集作必躑躅紆組

上春堤側弁倚喬木絃望忽已晦後期洲應綠

冬至後過吳張二子檀溪別業 孟浩然

卜築因自然檀溪不更集作更不穿園廬二交接水竹數家連

直取集作與南山對非閔選地偏草堂時偃曝蘭棹集作日

周旋外事情都遣中流性所便閑垂太公釣興發子猷船

予亦幽栖者經過竊慕焉梅花初集作殘臘月柳色半春天

鳥泊隨陽鴈魚藏縮項鱸停盃問山簡何似習池邊

汝墳別業

嘗廢集作常廢

祖詠

失路農為業移家到汝墳獨愁嘗廢卷多病久離羣鳥雀垂窓柳虹霓出澗雲山中無外事樵唱有誰聞一作時

蘇氏別業

前人見又玄集

別業居幽處到來生穩心南山當戶牖澧水在園林竹覆經冬雪庭昏未夕陰寥寥入境外閑坐聽春琴

出青門往南山下別業

薛據

舊居在南山夙駕自城闕榛莽相蔽虧去爾漸超忽散漫餘雪晴蒼茫季冬月寒風吹長林白日原上沒懷抱曠莫申相知阻胡越弱年多栖隱煉藥在崑崙及此離垢氛興來亦因物未路期赤松斯言歟不伐

潯陽陶氏別業

劉昫

陶家集仙隱種柳長江邊朝夕潯陽縣白衣來幾年霽雲

明孤嶺青水澄寒天物象自清曠野情何綿聯蕭蕭丘中賞明宰非徒然願守黍稷稅歸耕東山田

過任氏別業

李白

遊山誰所集作可遊子明與浮丘疊嶺礙河漢連峯橫斗牛任土集作注面北阜池館涵清集作清且幽我來感意氣槌庖集作息烈珍羞掃石歸明月集作月又作待歸開池漲寒流酒酣益爽氣為樂不知秋

越州賊退後送朱放之山陰別業

一作送朱山人放歸山陰

劉長卿

越中初罷戰江上送歸撓南渡無來客西陵自落潮空城垂細一作故柳舊業一作井廢春苗閭里稀相見集作一作誰相問鷺花共寂寥

此詩二百三十一卷重出前已削去注異同為一作

不調歸東川別業

李頎

寸祿可言善一作取託身將見遺慙無正夫志悔與名山辭
冕謝知己林園多後時葛巾方濯足蔬食但垂帷十室對
河岸漁樵祇在茲青郊香杜若泉石映茅茨晝景徹雲樹
夕陰澄石逵溪花獨開晚田鶴靜飛遲且復樂生事前賢
為我師清歌聊鼓楫永日望佳期

題綦毋校書別業

前人

常稱挂冠吏昨日歸滄洲行客暮帆遠主人庭樹秋豈伊
問天命但欲為山遊萬物我何有白雲空自幽蕭條江海
上日夕見丹丘生事本魚鳥賞心隨去留惜一作昔我曠微
月欲濟捨輕舟倏忽今一作令人老相思河水流

同家兄題渭南王公別業

蔡希寂

好閑知在家退即一作跡何必深不出人境外蕭條江海心
軒車自來往空石對清陰川渙將釣玉鄉亭期散金素暉

射流漱翠色綿森林曾為詩書癖寧唯耕稼任吾只許微
尚枉道勃疑相尋朝慶老萊服夕閑安道琴文章遙頌羨寤
寐增所欽既鬱蒼生望明時豈陸沉

淇上別業

高適

依依西山下別業桑林邊庭鴨喜多雨隣鷄知暮天野人
種秋果集一作菓古老看一作閑原田且向世情遠吾今聊自然

巴南舟中

陸渾別業

岑參

瀘水南舟一作州遠巴山北客稀嶺雲撩亂起溪鷺等閑飛
鏡裏愁衰鬢舟中換旅衣夢魂知憶處無夜不先歸

送胡象下

集一作落

第歸王屋別業

前人

看君尚少年下第莫悽然可疑即疲獻賦山村歸種田野花
迎短褐河柳拂長鞭置酒聊相送青門一醉眠

送鄭甚

疑

歸東京汜水別業

得問字

前人

客舍見青一作春草忽聞思舊山看君灞陵去足馬成臯還
對酒風與雪向家河復関因悲宦遊子終歲無時閑

送婁長上歸城南別業

韓翃

數刻是歸程花間落照明春衣香不散駿馬汗猶輕南渡
春流淺西風片雨晴朝還會相就飯尔五侯鯖

送元詵還丹陽別業

卽士元

已知成傲吏復見解朝衣應向丹陽郭秋山對掩扉草堂
連古寺江日動晴暉一別滄洲遠蘭橈幾歲歸

贈張五諲歸濠州別業

前人

常知罷官意果與世人疎復此涼風起仍聞濠上居故山
期採菊秋水憶觀魚一去蓬蒿逕羨君閑有餘

送王公還剡中別業

皇甫冉

不見関山去何時到剡中已聞成樹木更道長兒童籬落

雲常聚村墟水自通朝朝隱去渡非晚對清風

潘司馬別業

周瑀

門對青山近汀牽綠草長寒深包晚橘風緊露垂楊湖畔
聞漁唱天邊數鴈行蕭然有高士清思滿書堂

秋晚山中別業

盧綸

樹老野泉清幽人好獨行去閑知路靜歸晚喜山明蘭艾
通荒井牛羊出古城茂陵秋最晚誰念一書生

早春遊樊川墅

前人

白水構通一作通灘一作灘滕青山對杜陵晴明人望鶴曠野鹿隨僧
古柳連巢折荒堤帶草崩陰橋全覆雪深溜半垂冰關鼠
搖松影遊龜落石層韶光偏不待衰敗巧相仍桂樹曾爭
折龍門幾共登琴師阮校尉詩和柳吳興舐筆求書扇張
屏看畫蠅卜隣空遂約問卦獨無徵投足經危石收材過

直繩守農窮自固行藥病何能掩帙蓬蒿晚臨川景氣澄
颯然成一叟誰更慕騫騰

深溜集作過直繩過時選

春日題杜叟山下別業

前人

百鳥羣飛山半晴渚亭相接有泉聲園中曉露青藜合橋
上春風綠野明雲影斷來峯影出林花落盡草花生今朝
醉舞同君樂始信幽人不愛榮

春遊司直城西鷓鴣谿別業

釋清江

別墅軍城下閑誼未可齊春深花蝶夢曉隔柳煙鞞韶景
浮寒水踈楊映綠堤沿洄看竹色來往聽鶯啼久慢持生
術多親種藥畦家貧知素行心苦見清溪越客初投分南
枝得寄棲禪機空寂寞雅趣賴招携本寺重江外遊方二
室西徘徊戀知己日夕草萋萋

題黃公陶翰別業

釋處一

聞說花園堪避秦幽尋數月不逢人煙霞洞裏無鷄犬風
雨林間有鬼神黃公石上三芝秀陶令門前五柳春醉卧
白雲閑作夢不知何物是吾身

張舍人南溪別業

釋法震

新田遶屋半春耕藜杖閑門引客行山翠自成微雨色溪
花不隱亂泉聲漁家遣到堪留興公府懸知欲馱名入夜
更宜明月滿雙童喚出解吹笙

北原別業

釋僧泚

野外車騎絕古村桑柘陰流鶯出谷靜春草閉門深學稼
農爲業忘情道作心因知上皇日鑿井在雲林

冬日尋徐氏別業

釋皎然

近依城北住幽逕少人知積雪行深巷寒山遶故籬竹花
冬自發橙實晚仍垂還共嵩前鶴今朝下習池

送皇甫侍御曾還丹陽別業

前人

雲陽別夜憶春耕
花發菱湖問去程
積水悠揚何處夢
亂山稠疊此時情
將離有月教絃斷
贈遠無蘭覺意輕
朝右要君持漢典
明年北墅可須營

題周一作陳諫別業

第寺與周生所居俱臨茗水

前人

隱身若上欲如何
不着青袍愛綠蘿
柳巷任踈容馬入
水蘿從破許船過
昂藏獨鶴閑心遠
寂歷秋花野意多
若訪禪齋遙可見
竹窓書幌共煙波

雨後輞川

李端

驟雨歸山盡
頽陽入輞川
看虹登晚墅
踏石過春泉
紫葛藏仙井
黃花出野田
自知無去路
迴步就人烟

送石協律歸吳興別墅

一作業

朱慶餘

識來無定居
此去復何如一
與耕者近日將
朝客踈資身

空藥草教子但琴書
曾讀黃庭本斯言
豈復虛

遊崔監丞城南別業

劉得仁

門與青山近
青山復幾重
雪融皇子岸
春潤翠微峯
地有經冬草
林無未老松
竹寒溪隔寺
晴日直聞鐘

夏日樊川別業即事

前人

無事稱無才
柴門亦罕開
脫巾吟永日
着屐步荒臺
風卷微塵上
霆將暴雨來
終南雲漸合
咫尺失崔嵬

韓評事別業

周賀

門枕平湖秋影好
水煙松色遠相依
罷官餘俸租田種
送客迴舡載石歸
離岸遊魚逢浪返
望巢高一作寒鳥逆風飛
嵩陽舊隱多時別
閉日閑吟憶翠微

李侍御上虞別業

方干

滿日高集作臺臺佳水繁
蟬吟燕語不為喧
晝潮勢急吞諸

島暑雨聲迴露半村直爲援毫方掩卷常因按曲便開樽
若將明月爲儔侶應把清風遺子孫繡羽驚弓離果上紅
鱗見餌出蒲根尋居未要先敲竹且棹漁舟入大門

初歸鏡水中集作別業寄上陳端公前人

去歲離家今歲歸孤帆夢向鳥前飛必知蘆笋侵沙井燕
被藤花占石磯雲塢集作島採茶常失路雪龕中酒不開扉
故交若問逍遙事玄冕何曾勝葦衣

許負外新陽別墅前人

蘭汀橘島映高亭集作臺不是經心即手裁滿閣白雲隨雨
去一池明集作寒月逐潮來小松出屋和巢長新逕通村避

笋開柳絮風前敲枕卧荷花香裏棹舟集作釣迴園中問集作認

葉分靈草簷下攀枝落野梅莫恣高情求逸思須防急詔
用長村苦集作若因螢火終殘卷須把魚杆集作把送幾盃

多謝郢中賢太守當集作常時談笑許追集作趨陪

東溪別業寄吉州段郎中前人

前山含遠翠一作翠晚羅列在窓中盡日一作晝夜人不到一樽誰與

同涼隨蓮葉雨暑避柳條風豈分長孤寂明時有至公

此詩二百六十二卷重出前已削去注異同爲一作

題李剪處士杜城別業溫庭筠

晚夏歸別業張祐

古岸扁舟晚荒園一徑微鳥啼新果熟花落故人稀宿潤
侵苔甃斜陽照竹扉相逢盡鄉老無復話時機

題杜侍御別業趙嘏

紫陌煙多不可尋南溪酒熟一披襟山當晝枕石牀穩泉
落夜窓煙樹深白首逢人羞問計青雲何路覓知音惟君
懷抱闊一作長於水他日門牆許醉吟

題鹽鐵李尚書涇州別業

薛能

鹿原陰面涇州涓坐覺林泉逼夢思
閑景院開花落後濕香風好雨來時
隣驚麥野聞雛雉別創茅亭住老師
備足好中還有闕許昌軍裏李陵詩

秋晚自洞庭湖別業寄穆秀才 皮日休

破村牢落過重陽獨自櫻寧葺草房
風捲紅蕉仍換葉雨霖黃菊不成香
野猿偷栗重窺戶落鴈疑人更繞塘
他日若修耆舊傳為予添取此書堂

題鄭侍御藍田別業 張喬

秋山清若水吟客靜於僧小徑通商
嶺高窻見杜陵雲霞朝入鏡猿鳥夜
窺燈許作峯前侶終來寄上層

郊墅二首 鄭谷

韋曲樊川雨半晴竹莊花院遍題名
畫成煙景垂楊色滴

破春愁壓酒聲滿野紅塵誰得路連
天紫閣獨關情羨陂水色澄於鏡何
必滄浪始濯纓

二

蓼水菊籬邊新晴有亂蟬秋光集作秋光終寂寞晚醉自流集作留
連野濕林集作禾中露村閔社後天題詩滿紅葉何必沅花殘

訪姨兄王斌渭上別墅 前人

桑枯河集作桑江上村牢集作蓼落舊田園少小曾來此悲涼
不可言訪隣多指塚問路半移原文歎家僮散初晴野齋

繁客帆懸極浦漁網曬危軒苦澁詩盈篋荒唐酒滿樽高
枝霜果在幽沼集作渚暝鴻集作禽喧遠靄籠樵響微煙起燒

痕哀榮孤族分感激外兄恩三宿忘歸去圭峯恰對門
訪題表兄王藻渭上別墅集作業 前人

桑村搖落渭川西蓼水瀾瀾接稻泥幽檻靜來漁唱遠暝

天寒極鴈行低濁醪最稱看山醉吟句偏宜選竹題中表
人稀離一作亂後花時莫惜重相携

村墅

春日還郊

王勃

推情無默默語一作携杖赴崑泉草綠縈新帶榆青綴古錢
魚牀侵岸水鳥路入山煙還題平子賦花樹滿春田

仲春郊外

前人

東園垂柳徑西堰落花津物色連三月風光絕疑作四鄰鳥
飛村覺曙魚戲水知春初晴山院裏何處染罽塵

春郊興後

前人

空園歌獨酌春日賦閑居澤蘭侵小徑河柳覆長渠雨去
花光濕風歸葉影踈山人不惜醉唯畏綠樽虛

西郊

杜甫

時出碧鷄坊西郊向草堂市橋官柳細江路野梅香傍架
齊書帙看題減集作藥囊無人覺一作來往踈懶意何長

南隣

前人

錦里先生烏角巾園收芋栗不全貧慣看賓客集作門戶
兒童喜得食階除鳥雀馴秋水纔深四五尺野航恰受兩
三人白沙翠竹江村暮集作相送集作柴門月色新

村夜

前人

風色蕭蕭暮江頭人不行村春雨外急隣火夜深明胡羯
何多難樵漁寄此生中原有兄弟萬里正含情

江村

前人

清江一曲抱村流長夏江村事事幽自去自來堂上鷺相
親相近水中鷗老妻畫紙爲碁局稚子敲針作釣鉤但有
故人供祿米集作微軀此外更何求

羗村三首

前人

嶢嶢赤雲西日脚下平地柴門鳥雀噪客子集作千里至
妻孥惟我在驚定還拭淚世亂遭漂蕩生歸還集作偶然遂
隣人滿墻頭感嘆亦歔歔夜闌更秉燭相對如夢寐

二

晚歲迫偷生還家少歡趣嬌兒不離膝畏我復却去憶昔
多集作追涼故繞池邊樹蕭蕭北風勁撫事煎百慮願知
黍稷集作收已覺糟牀注如今足斟酌且用慰遲暮

三

群雞忽集作亂叫客至鷄正生集作驅鷄上樹木始聞扣
柴荆父老四五人問我又遠行手中各有携傾榼濁復清
莫集作辭酒味薄黍地無人耕兵華既未息兒郎集作盡
東征請為父老歌艱難愧深集作情歌罷仰天歎四坐淚

縱橫

風涼一作涼風

原上作見一百六十一卷

王昌齡

初晚前篇作

晦前篇作

秋空前篇作

良策前篇作

獨

說前篇作

南臺前篇作

文苑英華卷第三百十八

登仕郎胡柯

鄉貢進士彭

叔夏

校正

早春遊樊川墅

集本此下有寄李端無呈崔嵬司空曙耿緯

盧綸

白水構通塍

集作泉脉通溝塍

危石

集作危路

行藥

集作行藥

誰更

集作非歌

送石協律歸吳興

朱慶餘

空藥

集作唯藥

豈復虛

集作豈合虛

文苑英華卷第三百一十九

詩一百六十九

居處八

村墅二十首

山莊二十四首

田家二十首

村墅

題王村山叟屋壁

錢起

○谷口好泉石居人能陸沉牛羊上山小

集作去

煙雨

集作火

林

集作雲

深一逕入溪色數家連竹陰藏虹辭晚雨驚隼落

殘禽涉趣皆傷

集作留

目將歸羨在林却思黃綬事辜負紫

芝心

石門暮春

集作藍田春暮

前人

自哂鄙夫多野性閑

集作貧

居數畝半臨湍

集作林一端

溪雲雜雨

來茅屋山雀

集作鳥

將鷓至藥欄仙籙滿牀閑不厭陰符在篋

老羞看更憐童子宜春服花裏尋師到杏壇

秋日東郊作

皇甫冉

閑看秋水心無事卧對寒林手自栽廬岳高僧留偈別茅
山道士寄書來鷺知社日辭巢去菊為重陽冒雨開淺薄
將何稱獻納臨岐終日自遲回

晚到盩厔耆老家

盧綸

老翁曾舊識相引到柴門苦話別時事因尋溪上村數年
何處客近日幾家存暮雨看禾黍逢人憶子孫亂藤穿井
口流水到籬根惆悵不堪住空山月又昏

朱陳村

白居易

徐州古豐縣有村曰一作名朱陳去縣百餘里桑麻青氤氳
機梭聲札札牛驢走紛紛一作集作女汲澗中水男採山上薪
縣遠官事少山深人俗淳有財不行商有丁不入軍家家

守田

集作村

業頭白不出門生為陳村民死為陳村塵田中

老與幼相見何欣欣一村唯兩姓世世為婚姻

其村唯朱陳氏二

已姓

而親踈居有族少長遊有群黃雞與白酒歡會不隔旬

生者不遠別嫁娶先近隣死者不遠葬墳墓多遶村既安
生與死不苦形與神所以多壽考往往見玄孫我生禮義

鄉少小孤且貧徒學辨

集作辨

是非祇自取辛勤世法貴名

教士人重官婚以此自桎梏信為大謬

一作天

人十歲解讀

書十五能屬文二十舉秀才三十為諫臣下有妻子累上

有君親恩承家與事國望此不肖身憶昨旒遊初迨今十
五春孤舟三適楚羸馬四經秦晝行有飢色夜寢無安魂

東西不暫往來往若浮雲一作風中雲離亂失故鄉骨肉多散

分江南與江北各有平生親存者終日別逝者隔年聞朝

憂卧至暮夕哭坐達

一作達

晨悲火燒心曲愁霜侵鬢一作髮

根一生苦如此長羨陳村民

山村

姚合

喜得山村住閑眠夢不驚曉泉和雨落秋草上增生因客
始沽酒借書方到城新詩聊自遣豈是趨聲名

村中閑步

劉得仁

閑共野人臨野水新秋高樹掛晴暉不知塵裏無窮事白
鳥雙飛入翠微

再經王叟居

周賀

停撓因舊識白髮問波濤以我往來倦知君耕稼勞渚田
臨舍盡坂路出簷高愛此還南去終朝會爾曹

題村舍

杜牧

數樹稚桑春未剃扶牀乳一作兒女午啼飢潛銷暗鑠歸何
處萬戶集作指候家自不知

村行

前人

春半南陽西柔桑過村塢嫂嫂一作晨晨垂楊風點點迴塘雨
蓑唱牧牛兒籬窺藉裙女半濕解征衫主人饋雞黍

題春日韋曲席野老村舍二首

許渾

背嶺枕南塘數家村落長鶯啼中集作幼婦嬾蠶出小姑忙
煙草近溝濕風花臨路香自憐非楚客春望亦心傷

二

遶屋遍桑麻村南第一家林繁樹勢直溪轉水紋斜竹援
晝看笋藥欄春賣花故園歸未得到此是天涯

馮叟居

劉駕

天作馮叟居山僧尚嫌僻開門因兩樹結宇倚翠壁溪南
有微逕時遇採芝客徃徃白雲生對面千里隔機忘若童
僕常與猿鳥劇曬藥上小峯庭深無日色自從忘歸鄉一作

歸鄉 不見舊親戚 纍纍子孫墓 秋風吹古栢

宿江叟島居

張喬

一家煙島隈 一作上 竹裏夜窓開 數派分湖潮 一作去 千檣聚

月來石樓雲 斷續澗渚鴈 徘徊了得平生志 還歸築釣臺

尋陽村舍

前人

荒林寄遠 居坐卧 見樵漁 夜火隨船遠 寒更出郡 踈雪迷

登岳路風阻 轉江書寂寞 高窻下思鄉 歲欲除

江村

前人

貧遊無定蹤 鄉信轉難逢 寒渚暮煙闊 去帆歸思重 湖平

低戍火木落遠 山鍾况是漁家宿 踈籬響夜春

書村叟壁

鄭谷

草肥朝牧牛 桑綠晚鳴鳩 列岫簷前見 清泉碓下流 春蔬

和雨割社酒 向花菊引我南臨水 一作皮 籬邊有小舟

旅寓洛南村舍

前人

村落清明近 鞦韆稚女誇 春陰妨柳絮 月黑見梨花 白鳥

窺魚網 青帘認酒家 幽棲雖自適 交友在京華

宿島徑夷山舍

陳陶

百里遵島徑 逢征信 迢迢暝依漁 樵宿似過 一作過 黃金臺

缺齧心未理 寥寥夜猿哀 山深石牀冷 海近腥氣來 主人

意不淺 屢獻流霞盃 對月撫長劍 愁襟紛莫開 九衢平如

水 胡為涉崔嵬 一飯未遑飽 鵬圖信悠哉 山濤謹細君吾

豈厭蓬萊明 登又驅馬客 思一徘徊

東一作陳

常曲野思

唐彥謙

澹霧輕陰匝 四垂綠塘秋 望獨顰眉野 蓮隨水無人見 寒

鷺窺魚共影 知九陌要津 勞目擊五湖 閑夢誘 一作有 心期

孤燈夜夜愁 敲枕一覺 一作覽 滄州似昔時

山莊

和從弟祐山家二首

王褒

採藥名山頂時節無春冬散雲非一色連崑異衆峯合脊
似無徑間闕定有蹤山窻臨絕頂檐溜俯危松空林鳴暮
雨虛谷應朝鍾仙童時可過羽客屢相逢若值韓衆藥當
御長房龍

二

結交非俗士山侶自招携少華隱日月太一尋虹一作雲霓
衆林積爲籟園林茂成樾一作拱幽谷曙無景荒途晝欲
迷滴瀝寒泉溜叫嘯秋猿啼白雲帝鄉起神禽丹穴栖箭
篠時通徑桃李復成蹊今身得其所群物可令齊

田一作山家三首

王績

阮籍生年一作顯嵇康意氣踈相逢一飽醉獨坐數行書

小池聊養鶴閑田且牧猪草生元亮逕花暗子雲居倚杖
一作看婦織登隴課兒鋤迴頭尋仙一作事併是一空虛

二

家住箕山下門枕潁川濱不知今有漢唯言昔避秦琴伴
庭前月酒勸後園春自得中林士何忝上皇人

三

平生唯酒樂作性不能無朝朝訪鄉里夜夜遣人酤家貧
留客又不暇道精麤抽簾持益炬拔篲更燃爐怕聞飲不足
何見有殘壺

和石侍御山莊

楊炯

煙霞排俗累崑壑只幽居水浸何曾吠荒郊不復鋤影濃
山樹密香淺澤花踈閣塹防斜徑平堤夾小渠蓮房若箇
實竹節幾竿一作重虛蕭然隔城市酌醴焚枯魚

春晚山莊率題二首

盧照隣

田家無四隣獨坐一園春鶯啼非選樹魚戲不驚綸山水
彈琴盡風花酌酒貧疑年華已可樂高興復留人

二

顧步三春晚田園四望通遊絲橫惹一作樹戲蝶亂衣蓂

竹嬾偏宜水花狂不待風唯餘詩酒意當了一生中

和夏日幽莊

前人

聞有高蹤客耿介坐幽莊林壑人事少風煙鳥路長瀑水
含秋氣垂藤引夏涼苗深全覆隴荷上半侵塘釣渚青鳧
沒村田白鷺翔知君振竒藻還嗣海隅芳

山莊休沐

一作和夏日山莊

前人

蘭署乘閑日蓬扉狎道栖龍柯踈玉井鳳葉下金堤川光
搖水箭山氣上雲梯亭幽聞唳鶴窓曉聽鳴雞玉軫臨風

奏瓊漿映月携田家自有樂誰肯謝清溪

初至陸渾山莊

宋之問

授衣感窮節策馬陵伊闕歸齊逸人趣日覺秋琴闕寒露
衰北阜夕陽破東山浩歌步榛越栖鳥隨我還

陸渾山莊

前人

歸來物外情負杖閱崑耕源水看花入幽林採藥行野人
相問姓山鳥自稱名去去獨吾樂無能一作愧此生

藍田山莊

前人

官遊非吏隱心事好幽偏考室先依地為農且用天輞川
朝伐木藍水暮澆田獨與秦山老相歡春酒前

別之望後獨宿藍田山莊

前人

鶴鴿有舊原一作調苦不成歌自歎兄弟少常嗟離別多

爾尋北京路余卧南山阿泉晚更幽咽雲秋尚差莪藥攔

聽蟬噪書幌見禽過愁至願甘寢其如鄉夢何

僕自湯還都經龍門北溪莊宿張左丞崔禮部崔

光祿並枉垂光顧數公宿躬道義雅尚林壑謂急

於幽尋故此命駕遂不知別有勝賞偶然相過寒

暄未周神意已往雲霞之致茂而不存逸轡放驅

清塵徒企耿歎不已而贈是詩

韋嗣立附見張說集

栖閑有愚谷好事在朝軒樹接前驅擁崑傳後騎喧

出野院植杖候柴門既拂林下席仍携池上樽深期契幽

賞實謂展歡言未眷誠未易佳遊時更彰俄看嘯儔侶各

已共飛騫延睇盡朝日長懷通夜魂空聞岸竹動徒見浦

花繁多慙春鶯曲相求意獨存

奉酬韋祭酒自湯還都經龍門北溪莊見貽

集作贈

之什

張說

聞君湯井至蕭灑戲集作戲郊林拂曙携清賞披雲親綠岑

歡然遊覽意款曲望歸心是日期佳客同山忽異尋桃花

集作源迂路轉楊柳間門深汎舟伊水漲繫馬香樹陰繁絃

弄水族嬌吹狎沙禽春滿汀色媚景斜嵐氣突疎管懷仁切

殊未遠重德匪輕臨來藻敷幽思連詞報所欽

春日山莊

韋述

初歲開韶月田家喜載陽晚晴搖水態遲景蕩山光浦淨

漁舟遠花飛樵路香自然成野趣都使俗情忘

秋雨輞川莊作

王維

積雨空林烟火遲蒸蒸炊黍餉東菑漠漠水田飛白鷺陰

陰夏木轉黃鸝山中習靜觀朝槿松下行集作清齋折露葵

野老與人爭席罷海鷗何事集作處更相疑

題李十四莊兼贈綦毋校書

孟浩然

聞君息陰地東郭柳林間左右漚澗水門庭緱氏山抱琴
來取醉垂釣坐乘閑歸客莫相待綠原集作尋源殊未還

陸渾山莊即事見三百十五卷

祖詠

題趙孟莊

楊巨源

管鮑化為塵交交存如線昇堂俱自媚得路難相見懿君
躬三益顏俗期一變心同襲芝蘭氣合迴霜霰石門雲卧
父玉洞花尋遍王濬愛旌旗梁竦勞州縣烟鴻秋更遠天
馬寒逾健願事郭先生青囊書幾卷

王侍御南原莊

賈島

買得足雲地新栽藥數窠峯頭盤一逕原下注雙河春寺
閑眠夕晴臺獨上多南齋宿雨後集作夜仍許重來麼

過山家

張嬪

避暑得探幽忘言遂夕留雲深窻失曙松合徑先秋響谷

傳人語鳴泉洗客愁家山不在此到此可歸休

興元沈氏莊

唐彥謙

清淺縈紆一水間竹岡藤樹小躋攀露沾荒草行人過月
上高林宿鳥還江遠武侯籌筆地雨昏張載勒銘山異鄉
一笑因酣醉忘却愁來鬢髮班

田家

還田舍

周捨

薄遊文已倦歸來多暇日未鑿武陵岵先開仲長室松篁
日月長蓬麻歲時密心存野人趣貴使容吾膝况茲薄暮
情高秋正蕭瑟

山林休日田家

盧照隣

歸休乘暇日饁稼返秋場徑草疏玉篲崑枝落帝桑耕田
虞訟寢鑿井漢機忘戎葵朝委露薺一作夜含霜南澗泉動

冽東籬菊正芳還思北窓下高卧偃羲皇

薺棗一作齊棗

晚憩田家

駱賓王

轉蓬勞遠役披薜下田家山形類九折水勢急三巴懸梁
接斷岸澁路擁崩查霧崑淪曉魄風淑漲寒沙心迹一朝
舛關山萬里賒龍章徒表越閩俗本殊一作非華旅行勞一作悲
泛梗離贈折集作斷踈麻唯有寒潭菊獨似故園花

田家作

王維

舊穀行將盡良田米可希老年方愛粥卒歲且無衣雀乳
青苔井雞鳴白板扉柴車駕羸犗草籜牧豪豨多雨紅榴
折新秋綠芋肥餉田桑下憩傍舍草中歸佳處名愚谷煩
君集作何煩問是非

渭水集作川田家

前人

斜陽集作光照墟落窮巷牛羊歸野老念牧童倚杖候荆扉

雉雖交苗秀蠶眠桑葉稀田夫荷鋤至相見語依依即此
羨閑逸悵然歌集作吟式微

田家即事

祖詠見集本

舊居東臯上左右俯荒村樵路前傍嶺田家遙對門歡娛
始披拂愜意在郊原餘霽蕩川霧新秋仍舊暄攀條憩林
麓引水開泉源稼穡豈云倦桑麻今正煩方求靜者賞偶
與潛夫論集作言雞黍何必具吾心知道尊

田家雜興四首

儲光羲

田家趨隴畝當晝掩虛閤隣里無煙火兒童共幽閑桔槔
懸空圃雞犬滿桑間時來集作須農事隙採藥遊名山但念
所採多不言路險難人生如蜉蝣一往不可攀君看西王
母千歲集作載芙蓉顏

梧桐陰去聲我門薜荔網我屋迢迢集作超超兩夫婦朝出暮還宿稼穡既自務集作種牛羊還自牧日肝嬾耕鋤登高望川陸空山足禽獸墟落多喬木白馬誰家兒聯翩相馳逐

三

平生集作貧士養情性不復計集作知憂樂去家行賣畚留滯南山集作陽郭秋至黍苗黃無人可刈獲稚集作儒子朝未飯把竿逐鳥雀忽見梁將軍乘休出宛都意氣軼道路光暉滿墟落安知負薪者啞啞笑輕薄

四

楚山有高士梁國有遺老築室既相隣向田復同道糗糒常共飯兒孫每集作日更抱忘此耕耨勞愧彼風雨好蟋蟀鳴空澤鷓鴣生集作傷秋草日夕寒風來衣裳苦不早

田家書情集作即事

前人

蒲葉日已長荷集作疑作杏花日已滋老農要看此貴不違天時迎晨起飯牛雙駕耕東畱蚯蚓集作蟻土中出田烏隨我飛群合亂啄噪嗷嗷如道飢我心多惻隱顧此兩傷悲發食飼集作食與田烏日暮空筐歸親戚更相誚我心終不移

江上田家

包何

近海川原薄人家本自稀黍苗期臘酒霜葉是寒衣市井雖相識漁樵夜始歸不須騎馬問恐畏狎鷗飛

贈田家翁

耿緯

老人迎客處零集作籬落稻畦間蠶屋朝寒閉田家晝雨閑門閭新薙草樵採舊諳山自道誰相交邀人集作命試往還

觀田家

韋應物見集本

微雨衆卉新一番驚蟄始田家幾日閑耕種從此起丁壯俱在野場圃亦就理歸來景常晏飲犢西澗水飢飴不自苦

膏澤且為喜倉廩無宿儲徭役獨未已方慚不耕者祿食
出閭里

田家即事

權德輿

閑卧藜牀對落暉翛然便集作更覺世情非漠漠稻花資旅
食青青荷葉製裳集作儻衣山僧相訪期中飲集作飯漁父同
遊或夜歸待學尚平婚嫁畢渚煙溪月共忘機

田家

司空曙

田家喜雨足隣老相招携泉溢溝堰壞麥高桑柘低呼兒催
放犢邀集作宿客待烹雞搔首蓬門下知將軒冕齊

田家

楊顏

小園是生事尋勝日傾壺蒔蔬利於鬻才青摘已無四隣
依野竹日夕共樵枯田家心適時春色遍桑榆

南墅逢田客

楊發

桑柘悠悠水蘸堤晚風晴景不妨犁高機猶織卧蠶子下
坂未飢逢飼妻杏色蒲林羊酪熟麥涼浮壠雉媒低生時
自樂死由命萬事在天管不迷

張谷田舍

鄭谷見集本

縣官清且儉深谷有人家一徑入寒竹小橋穿野花碓喧
春澗滿梯倚綠桑斜自說來年稔前村酒不賒

田舍曲

王貞白

古今利名路只在儂門前至老不離家一生常晏眠牛羊
晚自歸兒童戲野田豈思封侯貴唯只待豐年征賦豈辭
苦但願時官賢時官苟貪濁田舍生憂煎

文苑英華卷第三百二十

詩一百七十

郊祀

宿齋八首

祠廟五十六首

宿齋

和劉尚書無明堂齋宮

梁元帝

微質攝上宰詰旦乘軺軒四邸陳蒼玉六變舞雲門香浮
鬱金酒煙繞鳳凰尊新花臨御街一作藥宿春色起天園河間
獻樂語斯道愧能論

扈從郊廟因呈兩省諸公

韓翃

丹墀列侍主恩同廐馬翩翩出漢宮奉引乘輿金杖裏親
嘗賜食玉盤中晝趨行殿旌門北夜宿齋房刻漏東明日
駕廻承雨露齊將萬歲及春風

朔旦冬至攝職南郊因書即事

權德輿

大明南至應集作慶天正朔旦園丘樂六成文軌盡同堯曆

象齋祠忝備漢公卿星辰列位祥光滿金石交音曉奏清更有觀臺稱賀處黃雲捧日瑞昇平

癸巳歲吉甫闔丘攝事合於中書後閣宿齋常負忝媿移止於集賢院會門下相公以七言寄亦有所酬短章絕韻不足抒意因叙所懷奉

寄相公兼呈集賢院諸學士 李吉甫

淮海同三入樞衡過六年後漢年融廟齋競永夕書府會

羣仙粉壁連霜曙冰池對月圓歲時憂裏換鍾漏靜中傳蓬髮顏空老松心契獨全贈言因傳說垂訓在三篇

奉酬中書相公至日圓丘攝事合於中書後閣宿齋移止於集賢院叙懷見寄之作 武元衡

郊廟祇嚴祀齋莊觀上玄別開金虎觀不離紫微天樹古

長楊接池深集作清太液連仲山方補職集作哀文舉自傷年

風澁銅壺漏香凝綺閣煙仍聞白雪唱流詠滿鷓絃

同前 裴度見集本

翼亮登三命趙公三拜中書謨猷本一心致齋移祕府祇

事見冲襟皓月當延閣祥風自禁林相庭方積玉王度已

如金運偶唐虞盛情同邴魏深幽蘭與白雪何處寄庸音 崔曙

同前

典籍開書府恩榮避鼎司郊丘資有事齋戒守無為宿霧蒙瓊樹餘香覆玉墀進經逢乙夜展禮值明時勳共山河

列名同竹帛垂年年佐堯舜相與致雍熙 奉和李相公攝事南郊覽物興懷呈一二知己

韓愈

燦燦辰角曙亭亭寒露朝川原共澄映雲日還浮飄上宰

嚴祀事清塗振華鑣圓丘峻且坦前對南山標村樹黃復
綠中田稼何饒顧瞻想巖谷興歎倦塵囂惟彼顛冥隳非
者去公豈不遼為仁朝自治用靜兵以銷勿憚吐握集作
勤可歌風雨調聖賢相遇少功德今宣昭

祠廟

和蕭東陽祀七里廟

梁簡文帝

萬里實幽宗三神亦天構豈謂木石精斯乃山川守遠來
太白旗遙樹青烏侯以茲敬弗怠方知教應富以下十篇並
見藝文類聚

漢高廟賽神

同前

王軼朝行動閭闔

一作閭閭

且應開白雲蒼梧上丹鳳

類聚作霞咸

陽來日正山無影城斜漢屢迴瞻流如地脉望嶺匹天台
欲祛九秋恨聊舉千千盃

祀伍相廟

梁元帝

石城寧足植金陣詎能追楚關開六塞吳兵入九圍山水
猶縈帶城池失是非空餘壽宮在日暮舞靈衣

賽漢高廟

庾肩吾

昔作唐山曲今承紫貝壇寧知臨楚岸非復望長安野曠
秋先動林高葉早殘塵飛遠騎沒日徙半峯寒徒然仰成
誦終用試才難

亂後經夏禹廟

前人

金簡泥初發龍門鑿始通配天不失舊為魚微此功林堂
上偃蹇山殿下穹窿侵雲似天闕照水類河宮神來導赤
豹仙去擁飛鴻松龕撒暮俎棗逕落寒叢仙丹還入鏡玉
軸更乘空去國嗟行邁離居泣轉蓬月起闕類聚吳山北星
臨天漢東申胥獨類聚有志苟息本懷忠待見撓槍滅歸
來松栢同

登二妃廟

吳均

朝雲亂入日帝女湘川宿折菑巫山下採苕洞庭腹故以
輕薄好千里命艫舳何事非相思江上威蕤竹

西門豹廟

庾信

君子為利博達人樹德深蘋藻由斯薦樵蘇幸未侵恭聞
正臣類聚祀良識佩韋心容範雖年代徽猷若可尋菊花
隨酒馥槐影向窻臨鶴飛疑逐舞魚驚似聽琴漳流鳴磴
石銅爵影秋林

從駕祀麓山廟

楊慎

聖德憂民暇麾旆謁山靈畫航汎北渚文馬侍東平春浦
戈鋌照寒林鏡吹鳴依稀長安舞類聚蕭條都尉城井泉
能共動江帆得分行窻幽細網合階靜落花明攔巢始入燕
軒樹已遷鶯菲菲蘭俎馥淡淡桂樽清銀塘類聚日影

畫類聚玉坐舞衣輕

行李經季子廟

張正見

延州高讓遠傳芳世祀移地絕遺金路松非懸劔枝野藤
侵藻井山雨濕苔碑別有觀風處樂奏無人知

遊卞山楚廟

江惣

蘋藻祈明德倚棹息巖阿忽聽晨雞類聚曙非是類聚楚
人歌閑堦薤宿薺古木斷懸蘿帷帳一作堂寂易晚枹鼓自
相和盛祀流百世英威定幾何

攝官梁小廟

前人

疇昔遊衣所今日薦櫻時憲章誠有革歲月遂難思故人
獨之子官聯更在茲虛簷靜暮雀洞戶映光絲平生復能
幾語事必傷悲

和謁孔子廟

劉斌

性與雖天縱主世乃無由何言泰山毀空驚逝水流及門
思往烈入室想前修寂寞荒堦暮摧殘古木秋遺風暖疑如
此聊以慰蒸一作求

謁漢高廟

李百藥

纂堯靈命啓滅楚閔餘終飛名膺帝籙一作迹韞神功
瑞氣朝浮碭祥符夜告豐柳揚駕人傑叱叱掩時雄締構
三靈改經綸五緯同干戈革宇內聲教盡寰中運謝年逾
遠魂歸道未窮樹碑留故邑抗殿表祠宮沐蘭祈泗上謁
帝動深衷英威肅如在文物杳成空竹皮聚寒逕粉社落
霜叢蕭索陰雲晚長川起大風

登葉縣故城謁沈諸梁廟

前人

愔鬱臨秋原登城望寒日煙霞共掩映林野俱蕭瑟楚塞
鬱不窮吳山高漸出客行殊未已沐澡期終吉椒桂奠芳

樽風雲下虛室館宇肅而靜神心康且逸伊我非真龍勿
驚疲朽質

過老子廟

唐玄宗

仙居懷聖德靈廟肅神心草合人蹤斷塵濃鳥跡深流沙
丹竈沒闕路紫煙沉獨傷千載後空餘松柏林

送特進李嶠入都祔廟

徐彦伯

特進三公下台臣百揆先孝圖開寢石祠坐卜牲筮思急
青綸賜徂裝紫橐縣綢繆金鼎席宴餞玉橫川北斗分征
路東山起贈篇樂池歌綠藻梁苑籍紅筌騎轉商巖日旌
搖關塞煙廟堂須鯁議錦節佇來旋

謁禹廟

宋之問

夏王乘四載茲地發金符駿命終不易報功疇敢踰先驅
愔章會後至伏靈誅玉帛空天下衣冠照海隅旋聞馭黃

屋便道出蒼梧林表祠轉茂山阿井詎枯舟遷龍負壑田
變鳥耘蕪舊物森如在天威肅未殊玄夷屆瑤席玉女侍
清都弈弈閨一作編闈邃軒軒仗衛趨氣清連曙海雲白洗
春湖猿嘯有時合禽言常自呼靈歆異蒸糝至樂匪笙竿
茅殿今不襲梅梁古制無運逢日崇麗業盛答昭蘇伊昔
力云盡而今功尚敷揆材非美箭精享愧生芻郡職昧焉
理拜空寧自誣下車霰已積攝事露行濡人隱冀多祐曷
唯霑薄軀

章會

集作昌會

時合

集作時合

緱山廟

見二百二十六卷

前人

汾陰后土祠作

李適

昔予讀舊史遍觀一作觀漢世君武皇實稽古建茲百代勳
號令垂懋典舊經備闕文南巡歷九嶷舳艫被江濱勤兵
十八萬旌旗何紛紛竭來茂陵下英聲不復聞我行歲方

晏極望山河分神光終冥冥鼎氣獨氤氳攬涕涉睚上登
高見彼汾雉圖今安在飛飛有白雲

冬日洛城北謁玄元皇帝廟廟有吳道子畫聖

圖

杜甫

配極玄都闕憑高禁籟長守祧嚴具禮掌節鎮非常碧瓦
初寒外金莖一氣傍山河扶繡戶日月近雕梁仙李盤根
大倚蘭弈葉光世家遺舊史道德付今王畫手看前輩吳
生遠壇場森羅移地軸妙絕動宮牆五聖聯龍袞千官列
鴈行冕旒俱秀發旌旆盡飛揚翠栢深留景紅梨迴得霜
風箏吹玉柱露井凍銀牀身退卑周室經傳拱漢皇谷神
如不死養拙更何鄉

禹朝

前人

禹朝空山裏秋風落日斜荒庭垂橘柚古屋畫龍蛇雲氣

噓青壁江聲走白沙早知乘四載疏鑿控三巴

蜀相廟

前人

丞相祠堂何處尋錦官城外柏森森映堦碧草自春色隔
葉黃鶯空集作多好音三顧頻煩天下計兩朝開濟老臣心
出師未捷集作戰身先死常集作長使英雄淚滿襟

謁漢世祖廟

劉希夷

春陵氣初發漸臺首未傳列營百萬衆持國十八年運開
朱旗後道合赤符先宛城劔鳴匣昆陽鏑應弦獷獸血塗
地巨人聲沸天長驅過北趙短兵出南燕太守迎門外王
郎死道邊昇壇九成陌端拱千秋田朝廷方雀躍劔佩幾
聯翩至德刑四海神儀翳九泉宗子行舊邑恭聞清廟篇
君容穆而聖臣像儼猶賢攢木承危柱踈蘿挂朽椽祠庭
巢鳥啄祭器網蟲緣懷古江山在惟新曆數遷空餘今夜

月長似舊時懸

嚴陵祠

洪子輿

漢主召子陵歸宿洛陽殿客星今安在隱跡猶可見水石
空潺湲松篁尚葱蒨岸深翠陰合川迴白雲遍幽逕滋蕪
沒荒祠暮霜霰垂釣想遺芳掇蘋羞野薦高風激終古語
理忘榮賤方驗道可遵一作尊山林情不變

登樂遊廟懷古

豆盧田一作回

緬維漢宣帝初謂皇曾孫雖在襁褓中亦遭巫蟲寃至哉
丙廷尉感激義彌躬馳逐蓮勺道出入諸陵門一朝風雲
會竟登天地尊握符昇寶曆負宸御華軒赫奕文物備歲
挺休瑞繁卒為中興主垂名於後昆維圖奄已謝餘址空
復存昔為樂遊苑今成狐兔園朝見牧豎集夕聞栖鳥喧
蕭條灞亭岸寂寞杜陵原幕歷野煙起蒼茫嵐氣昏二曜

屢迴薄四時更涼温天道尚如此人理安可論

湘妃廟

劉長卿

荒祠古木暗寂寂此江濱未作湘湖集作南雨知為何處雲
苔痕斷珠履草色帶羅裙莫唱迎仙曲空山不可聞

過桃花夫人廟

前人

寂集作寞應千歲集作桃花想一枝路人看古木江月向
空祠雲雨飛何處山川是舊時獨憐春草色猶似憶佳期

登首陽山謁伯夷廟

李頎

古人已不見喬木竟誰過寂寞首陽山白雲空復多蒼苔
歸骨地皓首採薇歌畢命無怨色成仁其若何我來入遺
廟時候辨淳和落日弔山鬼迴風吹女蘿石門正西壑引
領望洪河千里一飛鳥孤光東逝波驅車層城路惆悵此
巖阿

陪皇甫大夫謁禹廟

嚴維

竹使羞殷薦松龕拜夏祠為魚致美後舞羽降神時仗衛
瞻如在精靈信有期夕陽陪醉止塘上馬咸遲

題遊仙閣息一作公廟

李嘉祐見集本

仙宮輕舉竟何之薜荔緣堦竹映祠甲子不知風馭日朝
昏惟見雨來時霓旌翠蓋終難遇流水青山空所思逐客
自憐雙鬢改焚香多負白雲期

夜聞江南人家賽神因題即事 前人

南方淫祠一作古風俗楚媪解集作唱迎神曲鎗鎗銅鼓

蘆葉深寂寂瓊筵江水淥雨過風清洲渚閑椒漿醉盡神

欲集作還帝女凌空下湘岸番君隔浦向堯山月隱回塘

猶自舞一門依倚神之祐幕康賣集作藥不復求扁鵲傳

集作方魯莫覩逐客臨江空自悲月明流水無已時聽此

迎神送神曲携觴欲弔屈原祠

題尹真人廟

即士元

宵宵雲旗去不還陰陰祠宇閉空山我來始悟丹青妙稽首如逢冰雪顏

奉陪侍中春日過武安君廟

盧綸

見集本

長裾間集作貌虎遺廟盛攀登白羽三千騎紅林萬層臺

達幽契祝史告明徵撫坐悲今古瞻容感廢興迴風卷叢栢驟雨濕諸陵倏忽煙火霽當營看月昇

題舜廟

張濯

古都遺廟出河汾一作萬代千秋仰聖君蒲坂城邊長逝

水蒼梧野外不歸雲寥寥薦設鬼應在寂寂虞篇德已聞向曉風吹庭下栢猶疑琴曲詠南薰

題伍相廟

常雅

蒼蒼古廟映林巒暮煙霞覆石壇精魄不知何處在威風猶入浙江寒

巫山神女

劉方平

神女藏難識巫山秀莫羣今宵為大雨昨一作日作孤雲散漫愁巴峽徘徊戀楚君先王為立廟春樹幾氛氲

華岳集作南廟

李益

陰山臨古道廟閉空集作廟山碧落日春草集作中塞芳薦瑤席明靈達精意髮髻如不隔微雨集作神降時迴風集作

颺入栢常聞坑儒後此地曾返集作壁自古害忠良神其輔宗祐

經夫差廟

陳羽

姑蘇城畔千年木刻作夫差廟裏神冠蓋寂寥塵滿室不知簫鼓樂何人

經伏波神祠

劉禹錫

蒙蒙篁竹下有路上壺頭漢壘磨
巖關蠻溪霧雨愁懷人敬遺像
閱世指東流自負霸王略安知恩澤侯鄉原集作園

陽山廟觀賽神

梁松南征至此遂為其神在朗州

前人

漢家都尉舊征蠻血食如今配此山
曲蓋幽深蒼檜下洞簫愁一作吹
絕翠屏間荆巫脉脉傳神語
野老婆娑啓醉顏日落風生廟門外
幾人連踏竹歌還

題山中古祠

張籍

春草空山暮荒林鳥雀集作唯鳥
飛記年碑石在經亂祭人稀野鼠
緣朱帳陰塵蓋一作撲畫衣近門來
潭水黑時見宿龍歸

經貞女祠

僧無可

朝賽暮還祈開唐復歷隋精誠山
雨至歲月廟松衰窺穴

龍潭黑過門鳥道危不同巫山女來至

集作往

楚王祠

聖集作神女廟

許渾

停車祠聖女涼葉下陰風龍氣石牀濕
鳥鳴集作聲山廟空長眉留桂綠丹臉寄蓮
紅莫學陽臺畔朝雲暮雨中

聖女祠二首

李商隱

香靄集作藹逢仙跡蒼忙集作注滯客途何年歸碧落此路向皇

都消息期青雀逢迎異紫姑腸迴楚國夢心斷漢宮巫從騎裁集作裁
寒竹行車蔭白榆星娥一去後月姊更來無遼

鶴集作寡鶴迷蒼壑羈鸞集作鳳怨翠梧祗應碧桃下方朔是狂夫

二

松篁臺殿蕙花闈

集作香帷

龍護瑤窻鳳掩扉無質易迷三里

霧不寒長著五六

一作

銖衣人間定有鳩羅什天上應無劉

武威寄問欽頭雙白鷺每朝珠館幾時歸

題谷神廟集作題竹谷祠

温庭筠

蒼蒼松色集作竹晚一徑入荒祠古樹風吹馬虛廊日照旗
烟煤朝奠處雲雨夜歸時寂寞湘江集作湖東客空看蔣帝碑

題蕭山廟

前人

故道木陰濃荒祠山影東杉松一庭雨幡蓋滿堂風客奠
晚沙集作曉莎濕馬嘶春集作秋廟空夜深雷電歇龍入古潭中

蘇武廟

前人

蘇武魂銷漢史前古祠高樹兩茫然雲邊鴈斷胡天月隴
上羊歸塞草烟迴日樓臺非甲帳去時冠劍一作蓋是丁年茂
陵不見封侯印空向秋波哭逝川

黃陵廟二首

李羣玉

小孤一作東洲北浦雲邊二女啼粧共儼然野廟向江春寂

寂古碑無字草芊芊東風日暮吹香一作芳芷落日山深哭
杜鵑猶似含顰望巡狩九嶷愁黛隔湘川

二

黃陵廟前莎草春黃陵女兒茜裙新輕舟小檝隨一作唱歌
去水闊山長愁殺人

許由廟

羅隱

高桂風飄濯漢集作澗濱土階三尺愧清塵可憐比屋堪封
日若到人間是衆人

韓信廟

前人

剪項夷秦勢已雄布衣還是負深功懦夫女子集作寡妻雅女俱
堪恨却把餘盃奠蒯通

題段太尉廟

唐彥謙

近甸蒙塵日南梁反正年飄流茂陵椀零落太官椽建壽

非降楚披圖異錄燕堪嗟侍中血不及御衣前

湘妃廟

前人

劉表荒碑斷水濱廟前幽草閉殘春已將怨淚留班竹又
感悲風入白蘋八族未來誰北拱四凶猶在莫南巡九峯
相似堪疑處望見蒼梧不見人

竹郎廟

薛濤

竹郎廟前多古木夕陽沉沉山更綠何處江村有笛聲笛
聲盡是迎郎曲

謁巫山廟

常莊

亂猿啼處訪高唐路入煙霞草木香山色未能忘宋玉水
聲猶似哭襄王朝朝夜夜陽臺下為雨為雲楚國亡惆悵
廟前多少柳春來空闌盡眉長

文苑英華卷第三百二十

登仕郎胡柯

鄉貢進士彭

叔夏

校正

